

JESU KRISTE WA GO SWANA MAABANE, LEHONO, LE GO YA GO ILE

 Ke le leboga kudu. Le ka dula.

² Bjo ke boitemogelo bja go se tlwaelege kudu go nna bošegong bjo, gobane ke lebeletše pele ge e sa le mošemane yo monnyane go ba le nako ye nngwe yeo nka kgonago go direla batho ba Maine. Ge ke sa no ba mohlankana yo monnyane ke be ke fela ke etla fa go tsoma godimo tikologong ya Moosehead Lake, Squaw Pond, Pittston Farm, morago ka go ona mafelo fale. Gomme ke be ke tla kopana le batho ba bakaone kudu, ke be ke no makala ge eba Maine e be e sa no tlala ka mohuta woo wa batho. Gomme ke bile ka go toropokgolo ya lena ya go ratega fa lebaka la matšatši a mabedi, gomme ke e hweditše bjalo, batho ba go botega ka kgonthe.

³ Le a tseba ba re, “tshwarobotse ya Borwa,” gabotse, ba... ke a thanka se ke se le se bitšago, “tshwarobotse ya Leboa.” Gobane ba no ba batho ba bakaone fa bjalo ka ge nkile ka ba bona bophelong bja ka, ka makga a mahlano go dikologa lefase.

⁴ Kafao ka nnete ke thabile go ba mo bošegong bjo ka otithoriamong ye ya go ratega gomme go bona kgobokano ye botse ye bakeng sa mohuta wo wa toropokgolo kgolekgole go tloga go ditoropokgolo tše kgolo. Le mafolofolo a lena, le—le lerato la lena go Kriste go tšwela ntle ka mokgwa wo go bošego bja mathomo go yo mongwe, mohlomongwe, ga se nke wa ke wa kwa ka nna pele mo bophelong bja gago. Kafao seo se kaone ka maatla. Ke leboga se.

⁵ Tshwarelo, re na le feela bošego bjo botee. Ke a nagana ge re be re bile le matšatši a seswai goba lesome mo bakeng sa lesolo la mehleng, Morena o be a tla dira dilo tše kgolo magareng ga rena, tše A di ratago bošegong bjo; re tla, lebelela pele go seo.

⁶ Bjale, ga re tle go emela kerekeleina efe ye e itšego. Re... Nna, nnamong ke hlomamišitšwe ka go kereke ya Missionary Baptist. Gomme ka gona ga se ka ke ka ba... Ga se ka ke ka no tlogela kereke, ke nno thoma go ema gare ga matšwaboto magareng ga dikerekemaina tše go fapano, gomme feela go dikopano tše tše go rapelela balwetši. Gomme khuetšo ye Morena a mphilego yona, ga ke dume go—go e fa yohle ka go kerekeleina e tee; ke bakeng sa Mmele ka moka wa Morena Jesu Kriste, go sa kgathale ke kereke efe ba lego ba yona.

⁷ Gomme ke be ke fela ke diša dikgomo kudu ka matšatšing a ka ka bodikela, gomme ke etše hloko ge re be re tsea dikgomo godimo go ya sethokgweng, gobaneng, molemiši o be a tla ema fale a hlodišiša dikgomo tšela ka go legora la go sesa. Makga a mantši ke dutše fale ka leoto la ka le hakilwe go dikologa lenaka la sala, ke šeditše. Gomme molemiši ga se a ke a ela šedi ye ntši go leswao le le bego le le godimo ga dikgomo, e be e le—e be e le matswalo a kgomo. Madi ao a bego a le ka kgomong, a be a na le theke, gomme e swanetše go ba motswako wa kgonthe wa Hereford goba e be e ka se kgone go ya sethokgweng. Seo e be e le kgwekgwe ya selo.

⁸ Gomme ke a nagana ke ka tsela ye go tla bago ka Letšatši la Kahlolo: E ka se be tlwa leswao le re le aperego, bjalo ka ke Madi afe re lego ka fase ga wona. Madi a Jesu Kriste, Morwa wa Modimo, e tla ba go moswayo bakeng sa bana ba Gagwe. Ba bangwe ba rena ba ka re, “Ke rena Methodist,” goba “Baptist,” goba “Assemblies of God,” goba “Apostolic Faith,” goba e ka ba eng e lego, eupša e tla ba bohole ba lego ka tlase ga Madi, ke a dumela, ba tla ya ka gare ka Letšatši leo. Gomme kafao ke letetše go ba le lena kua ka kopanong ye kgolo yela yeo batho bohole ba e lebeletšego pele, go kgabola mabaka.

⁹ Bjale, re bolela ka phodišo Kgethwa kudukudu ka kopanong ya ka. Eupša phodišo Kgethwa ga se se re lekago go dira bogolo ka sona. O ka se tsoge wa dira bogolo ka bonnyane. Phodišo Kgethwa e no ba m—m mpho go neela Kriste ka tsela ya phodišo Kgethwa go swara šedi ya batho go ba dira ba tsebe gore Jesu o a ba rata. Gomme phodišo kgolo ye re lego ka morago ga yona ke phodišo ya soulo ya motho, gore batho ba ba tswetšwego gape ba na le Bophelo bjo Bosafelego, gomme ba ka se tsoge ba senyega, eupša ba tsošetšwe godimo gape ka letšatšing la mafelelo. Gomme ka gona o tsea kereke ya kgetho ya gago.

¹⁰ Re ya go tloga fa tlase go ye nnyane, toropokgolo ye nngwe ka tlase ga rena fa, Bangor, ke a dumela, Maine. Gomme re ya go ba fao mafelelong a beke ye le la pele la beke ye e latelago, matšatši a tshela. E tla ba go dula boteleletele re bilego le gona ka go...ka go lesolo la New England. Gomme ge o le...phela kgauswi le fao, re tla be re lebeletše pele go go bona, ka tetelo ye kgolo. Gomme ra letela, mohlomongwe, ka kopanong yela, moo mohlomongwe re tla tlwaelanago kudu. Bjo botee, mašego a mabedi o no tla go re, “Gabotse, ke a makala.” Ka morago ga lebakana, ka gona re a tloga, “Šalang gabotse,” gomme ga o sa ya go ba bona gape. Eupša ge re ka kgona go goga mašego a se makae, go fihla o kgona go bona Modimo ke wa kgonthe, a netefaditšwe kgonthe.

¹¹ Bjale, ke dumela gore, morero wa lesolo ke, gore Jesu Kriste o dula a swana, maabane, lehono, le go ya go ile. Bjale, re rata go bala Lengwalo le lennyane feela mo nakwaneng.

¹² Gomme ke nyaka go re go bao ba thekgago ka tšelete mo, go modiša, ka kgonthe re le leboga bakeng sa monyetla wo, baena ba ka ba go ratega. Gomme ke a rapela gore Modimo wa Legodimo o tla le šegofatša ka go fetiša ka bottlalo, le go le fa tlhologelo ya pelo ya lena.

¹³ Bjale, pele re bula Lentšu la Gagwe le bohlokwa, monna e ka ba mang yoo, goba, mosadi, ngwana, a kgonago nameng, a ka kgonago go phetla matlakala morago, eupša go tše Moya wo Mokgethwa ka kgonthe go bula Lentšu go pelo ya rena, ka gore Le ngwadilwe ke Moya wo Mokgethwa. Beibele e rile, “Ebile le banna ba kgale, ge ba be ba sepedišwa ke Moya wo Mokgethwa, ba ngwadile Beibele.” Kafao kagona, E šušumeditšwe.

¹⁴ Ga go motho a nago le tokelo go re, “Re na le tlhathollo, ga go yo mongwe gape a dirago.” Moya wo Mokgethwa o ne tlhathollo. Gomme a re Mo kgopeleng bosegong bjo ge A ka re hlathollela, ge re bala le go rapela. A re ka inamiša dihlogo tša rena feela nakwana bakeng sa thapelo?

¹⁵ Bjale, gagolo go lena batho ba le sego la ke la ba ka kopanong pele, ke nyaka le hlokoфale ka kgonthe bjale, le go re, “Modimo, a nke ke no beela thoko kahlolo ye nngwe le ye nngwe ka pelong ya ka.”

Lena ba le lego mo ba le babjago, e reng, “Modimo, nkgaogelete, bjo ka nnete e tla ba bošego bja ka bja phodišo.”

A nke modiradibe a re, “Modimo, nkgaogelete, modiradibe,” ge re rapela.

¹⁶ Modimo yo mokgethwa le go hlomphega kudukudu, re tla ka Bogoneng bja Gago, pele Leineng la Morena Jesu. Ka gore go rutilwe rena ke Lentšu le lekgethwa la Gagwe la go šegofala, gore ge re ka kgopela Tate e ka ba eng ka Leina la Gagwe, re swanetše go e amogela. Kafao kagona, ga re ne leina goba tlhompho go kopana le Wena ka yona. Gomme re tla ka go kokobela, ka tlhomphokgolo ka Leina la Gagwe la go hlomphega le le lekgethwa, go tsebeng go ya ka Lentšu la Gagwe, gore O tla kwa, gomme re tla ba le polelo ye le Wena.

¹⁷ Bjale, kopano ye e beilwe mmogo, Tate, Wena o šeditše mosepelo wo mongwe le wo mongwe, gomme ga se bakeng sa morero wo mongwe, eupša bakeng sa letago la Modimo, le bakeng sa thušo ya Kereke ye kgolo ya Gagwe, Mmele wa Morwa wa Gagwe, wa go se bonagale.

¹⁸ Gomme re a rapela, Tate, gore O tla fodiša balwetši bohole bao ba lego ka moagong bosegong bjo; a nke go se be le motho wa sekoka a tlogago moagong wo eupša yo a tla thakgafatšwago ka go felela. A nke modiradibe, Morena, mosedumele, a be dihlong kudu le go goboga ka Bogoneng bja Moya wo Mokgethwa wo mogolo, gore monna goba mosadi o tla re, “Modimo nkgaogelete,” gomme a phološwe bosegong bjo.

¹⁹ Efa, Morena, gore bao ba lego mohuta wa go pona, ba a wa tseleng, diatla tšela tša go fokola tše di bego di lekeletše fase, bao ba hwetšago go tonya le go fapana ge ba letile go Tla, a nke ba tše tlhohleletšo ye mpsha bosegong bjo, gomme ba tsoge ka maatla a Morena.

²⁰ Modimo, efa gore O tla fa se sengwe, tšegofatšo ka boagišaneng bjo, bosegong bjo, yeo e tla thomago tsošeletšo ya fešene ya kgale ka go legae le lengwe le le lengwe, ka go kereke ye nngwe le ye nngwe, le ka gare mogohle go kgabola naga. Morena, re a lemoga ga re ne nako ye ntši e šetšego, go ya ka tšu–tšu tšupamabaka ya nako, go katana, gobane letšatši ka lebelo le a dikela gomme nako ya bofelo e kgauswi.

²¹ Kafao re thuše go itshwara renabeng, bosegong bjo, bjalo ka bana ba Gago ba go ratega. Gomme ſoma ka rena ka Moya wo Mokgethwa, ka gore re e kgopela Leineng la Morwa morategi wa Gago, Jesu. Amene.

²² Ke rata go batamela Lentšu bjale, feela Lengwalo le lennyane le ke le ſomišago, ka mehla, bosegong bja mathomo, go tsebiša go lena pitšo ye Moya wo Mokgethwa o mphilego yona.

²³ Gomme, ka go tia go beng wa motheo yo a dumelago Lentšu la Modimo la Gosafelego: go dumeleng gore se sengwe le se sengwe seo Modimo a se ngwadilego ke karolo ya Yenamong! Ke a dumela Lengwalo le re, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” Kafao kagona, Lentšu le ke karolo ya Modimo. Gomme ge re ka Le batamela ka mokgwa woo: ra batamela Lentšu la Gagwe boka re be re Mmatamela!

Ka gore ga go motho yo a lego bokaonana bjo bo itšego go feta ka mo lentšu la gagwe le lego. Ge nka se kgone go tšeia lentšu la gago, nka se go dumele bakeng sa e ka ba eng; ka go swana o swanetše ka nna.

²⁴ Gomme yeo ke tsela ye ke dirago ka Modimo. Ge Modimo a dirile tshepišo, gomme ge A le Ramaatlakamoka Modimo, O swanetše go dula ka tshepišo ya Gagwe go boloka leemo la Gagwe bjalo ka Ramaatlakamoka Modimo. A ka se kgone go dira tshepišo, gomme morago a e bušetša morago. Nka kgona go dira tshepišo gomme ke swanetše go e gomiša. O tla dira tshepišo gomme o swanetše go e gomiša, gobane re batho, gomme re–re ne magomo. Eupša Yena ke mohlokamagomo. Modimo a ka se kgone go ba yo bohlalehlale, wa setswerere kudu; O be a phethagetše sa mathomo. Gomme ge Modimo a dira setatamente, se phethagetše.

²⁵ Gomme ge Modimo a dira setatamente ka tlalelong, ka tsela ye A batamelago tlalelo yeo, ge seemo sela sa go swana se tsoga gape, O swanetše go se batamela ka mokgwa wa go swana, tsela ya go swana yeo A dirilego lekga la mathomo, goba O dirile phošo ka tsela ye A e batametšego lekga la mathomo. Le a bona, ge

Modimo a fodišitše batho ba go babja sa mathomo ge tlalelo e be e le, ge Moshe a be a se na le meriana bakeng sa balwetši, gomme Modimo o tsošeditše sephente ya mphiri godimo ka lešokeng le go dira poelano bakeng sa balwetši le batlaišwa ka gore go be go le tlalelo; ka gona ge tlalelo yeo e etla lefelong gape moo go sego meriana go re thuša, Modimo o swanetše go dira ka tsela ye e swanago go rena, goba O dirile phošo ge A direla Moshe. Ke Modimo; A ka se kgone go fetoga. Ga A tsoge a tseba go fetiša goba gannyane; O phethagetše go ya go ile.

²⁶ Gomme ke nyaka go bala karolo ya Lentšu la Gagwe e hwetšwago ka go Mokgethwa Johane 12 le temana ya 20, gomme morago Bahebere 13:8 bakeng sa sehlogo:

Gomme go be go le Bagerike ba ba itšego magareng ga bona . . . ba tlide godimo go . . . monyanya go rapela:

Bona . . . kagona ba tlide go Filipi, yo a bego a le wa Betseita wa Galelia, gomme ba mo kganyoga, ba re, Bahlomphegi, re rata go bona Jesu.

Gomme ka go Bahebere 13:8, go ngwadilwe:

Jesu Kriste wa go swana maabane . . . lehono, le go ya go ile.

²⁷ Bjale, re nyaka go lebelela go se: A le a dumela gore O a swana maabane, lehono, le go ya go ile? A le ka dumela seo gobane Beibele e bolela bjalo? Ge o ka dira, ke tla rata go wena, e no phagamiša seatla sa gago, modumedi yo mongwe le yo mongwe. Gabotse, gona . . . Ke a go leboga. Ge Modimo a boletše gore O a swana, gona O swanetše go swana, goba Lengwalo le fošagetše. Gomme ge Lengwalo le fošagetše ka lefelong le tee, ke tla boifa go Le tshepa, gobane Le ka no ba phošo ka lefelong le lengwe. Le swanetše go rereša lohle goba le fošagetše lohle.

²⁸ Mohlala ge bohole re be re le ka kamoreng ye, bošegong bjo, re ehwa ka tlala, gomme radimilione tsoko yo mogolo a be ka tla lebating gomme a re, “Gosasa ka iri ya senyane, ke ya go fa batho ba masometlhano, ka fa, ditolara tše sekete.” Ga go yo motee a bego a ka kgonago go ba le tumelo. Ge a rile, “Ke ya go fa motho yo motee, ka mo, ditolara tše sekete, gosasa.” Ga go yo motee a bego a ka kgonago go ba le tumelo. O ka no ba yena, gomme o ka no se be. Tsela e nnoši o ka bago le tumelo, ke, go re, “Ke tla fa yo mongwe le yo mongwe wa lena ditolara tše sekete.” Gona bohole re ka ba le tumelo.

“Mang kapa mang a ratago, a a tle,” go bolela Lengwalo. Go godimo ga e ka ba mang a ratago; go tšwa go wena ge o etla. Taletšo e filwe.

²⁹ Bjale, re nyaka go hlokomela, Bagerike ba ba tlide godimo go rapela, ba bile le mafolofolo gore ba nyakile go bona Jesu. Gomme ke a dumela, gore, yeo ke tlhologelo ya pelo ye nngwe le ye nngwe ya motho yo mongwe le yo mongwe yo a kilego a kwa

Leina la Gagwe: ba nyaka go bona gore yoo ke Mang. Ke a tseba ke kganyogo ya pelo ya ka. Gomme ke na le mnete ke kganyogo ya pelo ye nngwe le ye nngwe ye e lego mo: "Bahlomphegi, re rata go bona Jesu."

³⁰ Gomme o ile a tšeelwa... Bagerike ba ba ile ba tšeelwa go Jesu ke modiredi ka leina la Filipi, yo a ilego le go tšea Andrea, gomme ba mo tšeetše go Jesu. Bjale, ge tlhologelo ya bona e be e le go Mmona, gomme ba swanetše go Mmona, gomme tlhologelo ya rena ke go Mmona, gomme Beibele e boletše gore O dula a swana maabane, lehono, le go ya go ile, gona gobaneng re sa kgone go Mmona?

³¹ Bjale, ka toropongkgolo ya gešo, go be go le mošemane yo monnyane, nako ye nngwe ya go feta, yo a bilego le mafolofolo gohle ka sekolong sa gagwe sa Lamorena, gomme ge a ile gae o rile go mamagwe, "Mama, a o gona a ka kgonago go bona Modimo yo mogolo yo yoo ba re botšago ka yena?"

O rile, "Botšiša morutiši wa gago wa sekolo sa Lamorena."

Gomme o botšišitše morutiši, goba, o dirile, a ke re, o botšišitše mohumagadi morutiši, gomme o rile, "Botšiša modiša."

Gomme ba botšišitše modiša, gomme modiša o rile, "Aowa, morwa, ga go yo motee a ka kgonago go bona Modimo gomme a phela."

³² Gabotse, moisa yo monnyane, seo ga se se kgotsofatše mafolofolo a gagwe. Kafao o be a fela a thea dihlapi godimo nokeng le motheadihlapi wa kgale, tlase kua, ka leina la Wiseheart, o kile a ba letikone ka kerekeng ya rena. Gomme yena, letšatši le lengwe, a etla go theoga noka, go be go tla tla ledimo; e be e le selemo sa lerole, gomme meetse a be a gogotše matlakala ohle; gomme letšatši le be le dikela ka bodikela, bjalo ka motheadihlapi wa kgale, mošemane yo monnyane, o dirile ditsela tša bona go theoga morago ga go kitimiša malokwa. Gomme go bile le molalatladi o tšwile. Gomme ge motheadihlapi wa kgale a šeditše molalatladi wola, moisa yo monnyane o lemogile dikeledi tšela di thoma go keleketa go theoga marama a gagwe a ditedu.

³³ Gomme megokgo ya go seka e rotha go tšwa maledung a gagwe a mašweu, mohuta wa go hiduega maikutlo a mošemane yo monnyane. Kafao o kitimile go tloga bofelong bja seketswana godimo ka bogareng, gomme o wetše fase difarong tša mohei wa dihlapi wa kgale, o rile, "Mohlomphegi, ke ya go go botšiša se sengwe seo, go bonagalago, ga go yo a ka kgonago go nkaraba."

Gomme o rile, "Ke eng, mohlankana wa ka?"

O rile, "Modimo ke yo mogolo kudu, Modimo yo a dirilego molalatladi woo." O rile, "A o gona a ka kgonago go bona Modimo?"

³⁴ Gomme motheadihlapi wa kgale, a fentšwe ke mafolofolo a ngwana, o mmeile ka matsogong a gagwe, gomme o rile, "Modimo a šegofatše pelo ya gago ye nnyane, hani, tšohle ke di bonego lebaka la mengwaga ye masomenne e bile Modimo." Tsela ya go bona Modimo ke go tliša Modimo ka gare, ka gona O lebelela ka mahlo a gago. Ka gona o a Mo tseba, o kgona go kwešiša, O tla ikutolla ka Boyena.

³⁵ Jesu o rile, "Lebakana le lennyane, gomme lefase, ga le sa Mpona gape; efela lena le tla Mpona, gobane Ke tla ba le lena, ebile ka go lena, go fihla bofelong bja lefase." Mang kapa mang yo a balago Mangwalo o a tseba seo ke therešo. Gona tshepišo ya Jesu, ka Lentšu la Gagwe Mong: gore go—go tla ba batho bao ba tla Mmonago go fihlela A tlide gape mo bofelong bja lefase. "Lebakana le lennyane, gomme lefase le ka se Mpone gape; efela lena le tla Mpona, gobane Nna . . ." (lešalaina) ". . . tla ba le lena, ebile le ka go lena, go fihla bofelong bja lefase." Bjale, a leo ke Lengwalo nnete? Goba O be a no goka barutiwa? Ge A be a goka, le go dira metlae, le go ya pele, gona O be a se Morwa wa Modimo. Yeo e ba gore ke therešo, goba ga se therešo.

³⁶ Gomme bjale, o re, "Gabotse, Ngwanešu Branham, ke a dumela gore Modimo o phela ka go matšoba." Ke dira bjalo. Eupša Bagerika ba be ba nyaka go bona Jesu, ba be ba nyaka go Mmona. Bjale, O rile, ka Mangwalong, ka Dingwalo, gore, "Mediro ye Kee e dirago le tla e dira le lena." Bjale, ka kgontho go lokafatše setatamente se, gona, re tla swanelo go ya morago ka go Lengwalo le go hwetša se Jesu a bilego maabane, ge re nyaka go tseba se A tla bago lehono.

³⁷ Bjale, ke nyaka go le botšiša, batheeletši, bošegong bjo, a seo e ka se be selo se sebotse pele ga Methodist, Baptist, Katoliki, le Maprotestant le *eng gape*? Yo mongwe le yo mongwe o re, "Kereke ya ka e e dumela ka tsela *ye*." "Kereke ya ka e e dumela ka tsela *ye*." Seo se lokilego ka go phethagala, eupša ge ka kgontho o nyaka go bona se A bilego maabane, kafao le tla tseba se A lego lehono, ke go ya morago ka Lengwalong le go bona se A bego a le sona maabane. Ka gona ga re na le lentšu la kereke, re na le Lentšu la Modimo Mong ka sona.

³⁸ Bjale, se A bego a le sona maabane, O swanetše go dula a swana lehono, goba ga A swane maabane le lehono. Bjale, ka go tshepišo ya Gagwe O rile, "Mediro ye Ke e dirago le tla e dira le lena; bontši go feta wo le tla e dira," ke a tseba King James, fa, e re, "ye megolwane," eupša o hwetša ya nnete, phetolelo ya setlogo go yona, E re "bontši." Ga go yo motee a bego a ka kgona go dira ye segolwane; O emišitše tlhago, a tsoša bahu, a fodiša balwetši, oo, O dirile se sengwe le se sengwe. O ka se kgone go dira e ka ba ofe wo mogolwane, eupša Modimo, Moya wo Mokgethwa o tla ba ka Kerekeng legohletšekelele, gohle go dikologa lefase ka nako e tee. Go no swana le meetse ohle a lewatlekgolo. Ao ke . . .

³⁹ Modimo o file Jesu Moya ntle le kelo. Ka go Yena go dutše Botlalo bja Modimohlogo mmeleng. O be a le Modimo a bonagaditšwe nameng. Beibele e boletše gore Modimo o be a le ka go Kriste a boelanya lefase go Yenamong. Eupša ge A neela Moya wa Gagwe go rena barwa ba ba beilwego, O re fa pakete e tletšego go tšwa go lewatlekgolo lela. O bile le Bottlalo bjohle bja Modimohlogo; re no ba le karolo ya Bjona, bjalo ka mpho, ya Moya wo Mokgethwa.

⁴⁰ Eupša ge ke tšere pakete e tee e tletšego meetse go tšwa go lewatlekgolo, goba ebile a go tlala lehwana la tee, go tšwa go lewatlekgolo, dikhemikhale tša go swana tše di lego ka go lewatlekgolo ka moka, di tla ba ka go lehwana lela la go tlala. E no ba a mannyane ka bontši, e sego bonnyane ka boleng. Kafao Moya wo Mokgethwa wa go swana woo o bego o le ka go Kriste o ka go Kereke ya Gagwe.

⁴¹ Bjale, theeletšang, go tiiša seo go lena. O rile, “Ke nna Morara, lena le makala.” Bjale, mo—mo morara ga o enywa kenywa. Morara o no hlwekiša lekala gomme lekala le enywa kenywa. Kagona, tsela e nnoši Jesu a ka kgonago go bolela bosegong bjo, e tla ba ka dipounama tša ka goba dipounama tša gago, diatla tša ka goba seatla sa gago, bophelo bja ka goba bophelo bja gago. “Ke nna Morara, lena le makala.” Ga A sa enywa kenywa gape, O no hlwekiša Kereke ya Gagwe gomme e enywa kenywa.

⁴² Bjale, ke mohuta ofe wa kenywa e tla e enywago? Ge Bophelo bjo bo bego bo le ka go Yena bo le ka Kerekeng ya Gagwe, bo tla rwala mohuta wa go swana wa Bophelo bjoo A bo rwelego ge A be a le fa. A le a kwešiša?

⁴³ Hlokamelang, ge o ile go morara wa terebe, o be o ka letela go hwetša diterebe. Gomme tlase borwa, ga ke tsebe ge eba le na le wona mo, re na le mafodi tlase kua. Gomme ge o eya go morara wa lefodi, o letela go hwetša mafodi, ge e le wo mobotse, morara wa go nona. Legapu, o tla hwetša magapu go tšwa go morara wa legapu.

⁴⁴ Gomme ge re etla go Morara, Kriste, kereke ya Gagwe, re hwetša eng? Go baka, go ngangana, go ngangišana godimo ga thutamodimo, lehloyo, motsoto, dikgogakgogano; gomme re bitša yeo mediro ya Modimo. Lengwalo le re seo ga se bjalo. “Se, batho bohole ba tla tseba ge le le barutiwa ba Ka, ge le na le lerato o tee go yo mongwe.” Lerato la Modimo ka Kerekeng ya Gagwe, le dira moleloko yo mongwe le yo mongwe karolo ya Gagwe, gona godimo ga leswika lela le motheo wola, O aga Kereke ya Gagwe.

⁴⁵ Hlokamelang, bjale gore go se tšee nako ye ntši kudu ya lena, diiri di ka kgonago šomišwa godimo ga seo, go laetša se A se tshepišitšego, eupša bjale, thuto ke: A O a swana lehono go se A bego a le nako yela? A O a swana ka tsela ye nngwe le ye nngwe,

feel a mmele wa nama? Bjale, ge mmele wa Gagwe o etla, gona re tla ya gae le Yena.

⁴⁶ Gobane mmele wa Gagwe o tsošeditšwe godimo le go dula godimo ga terone ya Modimo, bošegong bjo, go dira poelano ka boipolelo bja rena. Yena ke Moprista, Moprista yo Mogolo wa boipolelo bja rena, Bahebere 3:1. Ka gona O dutše kua bjalo ka Moprista yo Mogolo. Gomme a nke ke bolele se: ga go na mmoelanyi yo mongwe magareng ga Modimo le batho, eupša Jesu Kriste; Lengwalo le bolela bjalo. Gomme ke Yena a nnoši yoo a emago magareng ga Modimo le batho go dira poelano. Gomme Lengwalo le bolela gore Yena ke Moprista yo Mogolo yo a kgonago go kgwathwa ke dikwi tša mefokolo ya rena.

⁴⁷ Bjale, a re yeng morago gomme re bone se A bego a le sona. Ke badile go tšwa go Mokgethwa Johane 12. Bjale, bakeng sa lena batho ba go ratega fa go tšwa di—di dikgaong le toropokgolo tikologong, ge le fihla gae bošegong bjo, goba mosong, ka go homoleng ga letšatši, lena basadi, ge monnamogatša wa gago a le mošomong, goba wena, mohlomphegi, feela pele o eya malaong bošegong bjo, goba gosasa bošego, ka go iri ya gago ya sekgalela, ge o rwala Beibele ya gago, phetlang godimo go Mokgethwa Johane 1, gomme a re hwetseng se A bego a le sona maabane. Bjale, e ka ba lefe la ma—ma Mangwalo le tla Mmega, eupša re bala ka go Mokgethwa Johane 1.

⁴⁸ Ka morago ga ge A kolobeditšwe ka Moya wo Mokgethwa, Modimo o tlie gomme a dirwa go bonagala, matšatši a masomenne ka lešokeng, O tšwetše ntle, gomme O thoma bodiredi bja Gagwe.

⁴⁹ Bjale, ke nyaka go le botšiša potšišo, gomme ke nyaka le nkarabe ka seatla sa gago se phagamišitšwe. Ge re ka kgona go hwetsa se A bego a le sona maabane, gomme O tla tla mo bošegong bjo magareng ga lena batho le go ipega Yenamong go swana lehono bjalo ka ge A bile maabane, ke ba bakae ba lena ba tla Mo amogelago? A re boneng seatla sa gago, se ye godimo moyeng bjale, modumedi yo mongwe le yo mongwe. Ke a go leboga. A re šetšeng se A bego a le sona.

⁵⁰ Bjale, lefelo la pele, lebaka leo tiragalomatlaba ye e kgatlampanganago lehono, ke ka gobane bjo ke bofelo bja lebaka la kereke ya Bantle. Bjale, dirutegi e ka ba dife di tseba seo; gore re bofelong. Ge Jesu a be a le fa ka mmeleng wa nama, ga se A ye go Bantle. Gomme O ganeditše barutiwa ba Gagwe go ya go Bantle. O rile, “Ke be ke se ka romelwa go bona; eyang bokaone go dinku tše di lahlegilego tša Israele. Gomme ge le eya, le rere, le re, ‘Mmušo o batametše,’ le go ya pele.” Gomme Yena ga se a ke a etela Bantle ka baka la gore go be go le sebaka sa dikete tše pedi tša ngwaga go biletša kereke ntle, go kgabola ditšhaba tšohle.

⁵¹ Eupša ka go Mokgethwa Johane 1, re hwetša gore go be go le monna, o phološitšwe, gomme ka pela, o ile le go tsea ngwanabo. Bjale, leo ke leswao le lebotse gore o phološitšwe: o ile gomme a hwetša ngwanabo.

⁵² Gomme ge a tlišitše ngwanabo go Yena, Jesu, o be a le mothei wa dihlapi, gomme Beibele e rile o be a sa tsebe selo le go se rutege. O be a sa kgone le go saena leina la gagwe mong. Gomme ge a tlie ka Bogoneng bja Morena Jesu, Jesu o rile go yena, “Leina la gago ke Simone, gomme leina la tatago ke Jona.” O nagana ke eng seo motheadihlapi wa go hloka tsebo le go se rutege a se nagannego, ge Monna Yo a sego a ke a mmona ka bophelong bja gagwe, goba ebile ga se a ke a tsoge a bona Monna yo, ge a sepeletše ka Bogoneng bja Gagwe, o mmoditše o be a le mang le tatagwe o be a le mang? A go na le yo a kilego a bala yeo ka Lengwalong? Nnete: Mokgethwa Johane tema ya 1, e ka ba temana ya 8.

⁵³ Gomme monna yo o Mo lebeletše gomme a ba mohlanka wa Morena Jesu; leina la gagwe o be a bitšwa Kefase ke Morena Jesu, moragwana. Gomme yoo e be e le Mokgethwa Petro, monna yo a bego a sa kgone go saena leina la gagwe mong, monna yo a bego a bitšwa go se tsebe le go se rutege, o be a swere dikgonyo tša Mmušo di filwe seatleng sa gagwe.

⁵⁴ Bjale, le bona se re se dirilego ka yona? Re lekile go ruta batho ka Kriste. Le wena gabotse o ka no e lebala. Ga go na lenaneo le lengwe le tla e dirago eupša lenaneo la fešene ya kgale, tswalo ye mpsha. Go tswalwa gape ke tsela e nnoši e ka tsogego ya ba. Re lekile go—go ba ruta; re lekile go dira sosaete, le go ya pele, go tliša batho go boena. Gomme e ba aroganya kgolekgole go tloga go Modimo. Gomme re ba go ahlola, le go aga maboto a kerekkeleina godimo, le go ikaroganya renabeng go tloga go baena ba bangwe.

⁵⁵ Eupša ye botse ka kgonthe, taba ya nako ya kgale ya kolobetšo ya Moya wo Mokgethwa ka pelong ya gago, e tla go dira o lebale boikgantšho bja gago. E tla dira sutu ya tuxedo go bea matsogo a gagwe go dikologa para ya dioborolo le go mmitša, “Ngwanešu.” E tla dira roko ya siliki go bea matsogo a gagwe go dikologa khalikho, a re, “Kgaetšedi.” E dira se sengwe ka gare ga gago seo se yago ka godimo ga kgopolo ya bohlale; ke tswalo ya moya wo o phelago ka pelong ya motho.

⁵⁶ Bjale, ka pela ge A boditše seo go Simone, o bile mohlanka wa Gagwe. Ka pela, ka gona, Filipi o ile a tlala mafolofolo gohle gomme o rile o bile le mogwera yo mongwe, gomme o ile go dikologa thaba, dimaele tše lesometlhano, go hwetša mogwera wa gagwe Nathaniele. A re mo late leng feela dinakwana di se kae. Gomme o ya go yena gomme mohlomongwe Mdi. Nathaniele o be a le ntlong, gomme o re, “Nathaniele o kae?”

“Oo, o ile ntle go serapa sa dikenya feela nakwana ya go feta.”

⁵⁷ O ya ntle ka serapeng sa dikenya, gomme fale o hwetša Nathaniele ntle kua ka tlase ga mohlare, bjalo ka motho e ka ba ofe yo mobotse wa go botega a tla bago, a rapela. Bjalo ka mokgomana wa Mokriste, ka nnete o be a ka se mo tsenatsene ge a be a rapela. Ka morago ga ge a feditše, ke kgona go no bona Nathaniele a phagamela godimo le go re, “Gabotse, ge mo go se Filipi.”

Bjale mo šetšeng; o ne molaetša. Ntle le go amogela boitsebišo bja gagwe goba e ka ba eng, o rile, “Etla, bona Yo re mo hweditšego.”

⁵⁸ Ke a makala go tla direga eng ge sehlopha se sennyane se sa batho, fa ka moagong wo bosegong bjo, se tla ba mafolofolo kudu ka Jesu. Ke a makala go tla direga eng ge ye nngwe ya dikereke tše dinnyane tše tikologong fa e ka ba mafolofolo kudu ka ga Jesu, gore tšohle di lego pelong ya gago, wena o—wena pele ke pele, gomme yoo ke Modimo. Selo sa pele ke Jesu. “Etla, bona Yo re mo hweditšego, Jesu wa Nasaretha, Morwa wa Josefa.”

⁵⁹ Oo, bjale, le a tseba, moisa yo fa, Nathaniele, o be a le orthodox, go otloga kudu, moisa wa go loka. Gomme ke kgona go mo kwa a re go Filipi, “Bjale, ema motsotsa feela, Filipi. O swanetše go be o ile kgole ka mafelelong a go teba a se sengwe. A o ra go mpotša gore Morwa wa Modimo o tla tšwa Nasaretha, sehlopha se sennyane sela sa batho tlase kua seo se lego sa swele? Ge Morwa wa Modimo, Mesia, a be a le mo, O be a tla tla tempeleng. O be a tla tla go... Jerusalema gomme e sego Nasaretha.”

Ke bolela se ka lerato le tlhompho, eupša yeo ke tsela ya go swana ba e naganago lehono, ga ba kgone go dumela.

Oo, wena Mokatoliki o tla re, “O be a tla tla Vatican City, O be a tla dira mopapa a tsebe.”

Gomme lena Mapresbyterian le tla re, “Oo, O be a tla dira pišopo a tsebe”; le go ya pele, bohle ba rena.

⁶⁰ Eupša Modimo o dira dilo ka tsela ya Gagwe Mong. Gomme ka mehla e kgahlanong le tsela ye baruti ba e nagantšitšego, ka mehla. Lena borahistori le tseba seo. Ga se nke ka go lebaka e ka ba lefe baruti ba bilego le yona gabotse.

⁶¹ Go lena Makatoliki... Go lena Maprotestant pele: Go reng ka Eliya? Ga se ba dumela o ile Gae ka koloi. Ba rometše bana ba bona ba bannyane tlase ka morago ga Elisa, ba re, “Wena hlogo ya lefatla, gobaneng o se wa ya godimo?” Gomme moprofeta o rogakile bana bale. Gomme thogako ya tla go bona, gomme dibera tše pedi tša tshadi tša bolaya bana ba bannyane ba masomenne pedi.

⁶² Go reng ka Moshe? Ge Jesu a be a le mo, O rile, barutiwa ba rile go Yena, ba rile, “Gobaneng Bamangwalo ba re, badiredi, gobaneng ba bolela gore Eliya o swanetše go tla pele?”

O rile, “O šetše a tlide, gomme ga se le mo tsebe.” Gomme ba tsebile O boletše ka Johane Mokolobetši.

⁶³ Bjale, go lena Katoliki. Go reng ka Mokgethwa Patrick? A kereke e mo lemogile? Ba naganne o be a le moloi. Eupša ka morago ga ge a hwile, gomme molaetša o filwe, ka gona kereke e mo amogetše. Go reng ka Mokgethwa Francis wa Assisi? moreri yo a sepelago le Beibebe ka tlase ga letsogo la gagwe, yo a gwabetšeego kereke ya Katoliki. Ge a ile go rera tlase khoneng letšatši lela, ge dinonyana tše nnyane di be di goeletša, o rile, “Dikgaetšedi, šišimalang; homolang ge ke sa rera.” Gomme di mo obametše. Gomme morago ga ge a hwile, bjale o godišitše bjalo ka mokgethwa ka kerekeng ya lena.

⁶⁴ Go reng ka Joan wa Arc? Mosetsana wa sekolo e ka ba o be a tla tseba ka yena, mosetsana yo monnyane yo a bonego dipono, le Barongwa, gomme a ba le dikutollo. Gomme kereke ya lena, kereke ya Katoliki, e mo tšhumile koteng, a llela mogau, ba mmitša selo sa go swana ba biditšeego Jesu, Beletsebubu, moloi. Joan wa Arc o tšumilwe bjalo ka moloi mo koteng ke kereke ya Katoliki ya Roma . . . ? . . .

⁶⁵ Gomme e ka ba mengwaga ye lekgolo moragwana ba hweditše o be a se moloi; o be a le mokgethwa. Eupša Modimo o rometše molaetša wa Gagwe go kgabola, feela go swana. Gomme ba šitilwe go e bona. Ba be ba sa tsebe Yo Morwa wa Modimo a bego a le go fihla A hwile, a bolokilwe, gomme a tsogile gape. Modimo o ikeme; O dira mediro ya Gagwe. Gomme ya Gagwe . . . Kereke e swanetše go phafoga, fa mo matšatšing a a mafelelo. Ke selo sa go šokiša kudu.

⁶⁶ Dibeke di se kae tša go feta ka toropongkgolo ya gešo ya Louisville, go be go le mohumagadi a eya go dikologa, le lesea le lennyane, ka lebenkeleng la disente tše lesome. Gomme o be a le bontša dilo, a re, “Lebelela, morategi.” Gomme moisa yo monnyane o tsepeletše. Gomme o be a tla mo laetša se sengwe, “Bjale, lebelela, hani.” Gomme moisa yo monnyane o tšwetšepele a tsepeletše. Thwi o ile khaontareng ye e bego e na le tlelokwana ye nnyane yeo e bego e dira lešata, gomme a e šišinya pele ga gagwe. Gomme moisa yo monnyane o nno tsepelela thwi ntle ka lefaufaung. Gomme o wetše go kgabaganya khaontara a lapile le go lla.

⁶⁷ Gomme ba bangwe ba batho ba ile go yena go bona se se bego se fošagetše. O rile, “Ga se kgale kudu o nno tšeа tsela ya go tsepelela, o lebeletše pele thwi go otlologa.” O rile, “Ke motho yo monnyane, gomme o swanetše go lemoga dilo tšeо di amanago le bophelo bjo bja motho. Ngaka o mpoditše, lebakana la go feta, o be a le kaonana, eupša,” o rile, “ga a.”

⁶⁸ Gomme ke a makala ge eba yeo ga e no ba tsela ya kereke lehono. Modimo o šikinya mohuta wo mongwe le wo mongwe wa mpho pele ga kereke, gomme e no dula le go tsepelela, o re, “Gabotse, ke a nagana seo se botse gabotse; ge se ka be se bile ka go kerekene ya gešo, re ka be re se amogetše.”

⁶⁹ A ga le bone? Semoyeng, sebakeng sa tlhaologanyo, e golofetše, kereke e a dula. Go bile bo Billy Graham, go bile Oral Roberts, go bile banna ba bagolo, Jack Shulers, le *eng gape*, mo mengwageng e se mekae ya go feta, bao a fetlekilego setšhaba se. Gomme go le bjalo ba no, kereke e no dula: “Gabotse, ke nna se.” Goba, “Ka kerekeng ya ka . . .” O hwetša dikgopololo tše.

⁷⁰ Gomme Nathaniele o bile le kgopololo ya go swana. O rile, “Bjale feela motsotsso, ge go na le e ka ba eng e botse e ka tšwago Nasaretha, e be e ka se be Morwa wa Modimo, O be a tla tla go moprista yo mogolo.”

⁷¹ Gomme ke nagana Filipi o mo fa karabo ye kaonekaone yeo e ka ba mang a ka mo fago, o rile, “Etla gomme o bone.” Bjale seo ke go kwagala, go kwešišega, go nepagala, “Etla gomme o iponele ka bowena; o se dule gae. Tšwela ntle gomme o ikhweletše ka bowena. Etla gomme o bone.”

Gomme ke tla le botša eng . . . [Ga go selo lefelong la theipi—Mor.] “. . . gomme ka ntle ga fao, O mmuditše gore tatagwe e be e le mang le gore leina la gagwe e be e le mang.”

“Oo, bjale motsotsso feela,” Nathaniele o be a tla re go Filipi, “Filipi, ke a dumela o ile kgole ka mafelelong a go teba.”

“Wena etla o ikhweletše wenamong.”

⁷² Ba tlie godimo ka lešabeng moo Jesu a bego a le gona. Ba . . . mohlomongwe ba be ba le ntle ka go—ka go batheeletši, goba mohlomongwe ba be ba le ka go mothalo wa thapelo. Ge Jesu a mmone lekga la mathomo, O rile, “Bonang Moisraele, yo ka go yena go sego bomenetša!”

⁷³ Bjale, elelwang, mathomo a bodiredi bja Gagwe: fa O itsebiša Yenamong go moloko wa Bajuda ka mokgwa wo. “Bonang Moisraele, yo ka go yena go sego bomenetša!”

“Gabotse bjale,” o tla re, “ka tsela ye a bego a apere . . .”

Aowa, a ka be a be a le Moarapo, a ka be a be a le Mogerika, bontši setšhaba e ka ba sefe; bohole bohlabelo ba apara go swana.

O rile, “Bonang Moisraele . . .” O tsebile bjang o be a le Moisraele? “. . . ka go yena ga go bomenetša!”

⁷⁴ Gomme ge A boletše seo, go mo makaditše kudu, o rile, “Rabi, O ntsebile neng? Ga se ka ke ka Go bona, gomme Wena ga se wa ke wa mpoma. O ntsebile neng?”

O rile, “Pele Filipi a go bitša, ge o be o le ka tlase ga mohlare, Ke go bone.”

Ke ba bakae ba tsebago Lengwalo le bolela seo? Yoo e be e le Jesu maabane; yeo ke tsela ye A itirilego Yenamong go tsebja go Mojuda.

⁷⁵ Bjale, oo, go be go le bao ba emego kgauswi, e bego e le ba dikereke tše kgolo tša godimo, orthodox; le tseba se ba se boletšego? Ka pelong ya bona ba rile, “Monna yo ke mmolelelamahlatse. Ke Beletsebubu. O bala monagano wa bona.” Ba boletše seo ka pelong ya bona, gomme Jesu o bone menagano ya bona.

⁷⁶ Gomme O rile . . . Theetšang, se A se boletšego: “Ruri, Ke re go lena, le bolela seo kgahlanong le Nna, Morwa wa motho, Ke tla le lebalela bakeng sa sona. Eupša ge Moya wo Mokgethwa o etla go dira selo sa go swana, lentšu le tee kgahlanong le Wona le ka se tsoge la lebalelwa ka go lefase le, goba ka go lefase le le tlago.” Ke ba bakae ba tsebago Lengwalo le bolela seo? Gona re ema kae bošegong bjo ge A ipolela Yenamong ka Moya wo Mokgethwa gore O no swana?

⁷⁷ Matšatši a se makae moragwana re Mo hwetša ka go Mokgethwa Johane tema ya 4. Feel a pele ga go tswalela. Gomme re Mo hwetša ka go tema ya 4 ya Mokgethwa Johane. Bjale ga se A ye go Bantle. Ga se A dira leswao lela nako ye nngwe go Bantle, feela go Bajuda. Eupša Yena šo, ka pele ga Basamaria. Gomme O romela barutiwa ba Gagwe kgole, gobane O be a lapile, gomme O dutše fase ka go ponagalo ye nnyane, se sengwe boka *se, fa, moo* go nago . . . Ge o kile wa ba fao, sediba se sa le gona, feela ka ntle ga kgoro ya Samaria. Jakobo o se epile.

⁷⁸ Gomme e ka ba ka nako ya sekgalela, gomme barutiwa ba ile ka toropongkgolo go reka dijo tsoko. Gomme ge ba sa ile, Jesu o khutšitše, gobane O rerile, le go fodiša balwetši, le go ya pele, O be a lapile le go kgathala. Gomme Tate, ntle le pelaelo, o be a Mmoditše go ya kua. Gobane ka go Mokgethwa Johane 5:19, O ile a botšišwa godimo ga phodišo ya motho, gomme O rile, “Ruri, ruri, Ke re go lena, Morwa ga a kgone go dira selo ka go Yenamong, eupša se A bonago Tate a se dira.” Ke ba bakae ba kilego ba bala yeo? Mokgethwa Johane 5.

⁷⁹ Ka gona Jesu ga se a ke a dira mohlolo o tee go fihla Modimo a Mmontšitše ka pono gore a dire eng pele. Šeo yona, Mokgethwa Johane 5:19, “Ga Ke dire selo ka go Nnamong, eupša se Ke bonago Tate a se dira. Tate o a šoma gomme Ke a šoma go fihla mo.” Seo ke se A se boletšego.

⁸⁰ Bjale, šo Yena, Tate o be a Mo romile godimo kua Samaria, gomme ba—gomme barutiwa ba be ba ile ka toropongkgolo. Gomme a re naganeng o be a le mosadi yo mobotse yo moswa. O tšwela ntile, le ge a be a le tumo ye mpe, o tlide ntile go ga meetse tsoko. Gomme ge a thomile go theošetša pitša fase . . .

⁸¹ Ge o kile wa ba ka bohlabela, ba kgona go di rwala hlogong ya bona le mathekeng a bona. Gomme basadi bohle ba ya ntile

fale, gomme ba ne mokgoko; gomme ba theoša huku ye nnyane ye go e dikologa, gomme ba e theošetša fase le go tšeа jeke e tletše meetse, le go bea e tee godimo ga hlogo ya bona, le e tee godimo ga letheka le lengwe le le lengwe. Gomme ba sepela thwi go dikologa, ba bolela, feela boka bahumagadi ba kgona, gomme ba se tsoge ba tsholla lerothi la meetse, jeke ye kgolo yela e lego dikalone tše pedi goba tše tharo di dutše godimo ga hlogo ya bona, gomme e tee godimo ga letheka le lengwe le le lengwe. Gomme ba no sepela thwi go bapa, ba bolela.

⁸² Gomme mosadi yo o tlie ntle go ga meetse a gagwe, mohlomongwe, ge le tseba: o be a le mosadi wa tumo ye mpe, kafao o be a ka se kgone go tla kua ge bohle, basadi ba be ba le kua. Ga se ba hlakana mmogo boka ba dira lehono.

⁸³ Gomme ge a tlie ntle go ga meetse, o lebeletše godimo fale, gomme fale go dutše Mojuda, Monna yoo a bego a no ba bogolo bja mengwaga ye masometharo pedi, eupša O bonagetše eke O be a le masomethano. Mokgethwa Johane 6, ge A rile, ka kua ba rile, “O re o be o le yo mogolwane go feta—go feta Abraham? Gomme o monna yo a sego mengwaga ye masomethano bogolo gabjale? Re a tseba bjale o na le diabolo.”

⁸⁴ Gomme O rile, “Pele Abraham a bile, KE NNA.” Gomme KE NNA yola o be a le Pilara ya Mollo ka sethokgweng se se tukago (Le tseba seo?), Morongwa wa Kgwerano. Gomme ge A be a le mo lefaseng, O rile, “Ke tswa go Modimo, gomme Ke ya morago go Modimo.” A ke nnete? Ka gona Pilara yela ya Mollo, Morongwa wa Kgwerano (yoo Moshe o tlogetše Egepeta, a sema kgobogo ya Kriste go ba mahumo a magolwane go feta ao, mahumo a Egepeta), gona ge A dirilwe nama le go dula ka mmeleng fa, O rile, “Ke tswa go Modimo gomme Ke ya go Modimo.” A yeo ke nnete?

⁸⁵ Gomme ka morago ga lehu la Gagwe, poloko le tsogo, Paulo o be a le tseleng ya gagwe go theogela Damaseko go golega batho bale ba bego ba dira lešata le lentši kudu. Gomme Sengwe se mo rathetše fase: Pilara ya Mollo e eme fale, E mo foufaditše. Gomme O rile, “Saulo, Saulo, o Ntlhomaretšeng?”

O rile, “Wena o Mang?”

O rile, “Ke nna Jesu.” O boetše morago go Tate gape: Pilara ya Mollo. Leo ke Lengwalo.

⁸⁶ Moragwana O tlie ka kgolegong ge ba be ba ne kopano ya thapelo ntlong ya Johane Mareka, gomme a bula mejako pele ga moapostola Petro gomme a mo lokolla.

⁸⁷ Gomme ntshwareleng se ge eba go bonala eke ke sa sebele. Godimo ga seswantšho se bošegong bjo, le bona ya... e sego ya ka, eupša le bona Pilara ya Mollo ya go swana, yeo George J. Lacy, hlogo ya FBI e boletše bjalo: Sephedi se nnoši sa kagodimogatlhago se tšerwego senepe se kilego sa netefatšwa; se lekeletše ka Washington, DC ka Holong ya Bodumedi ya

Bokgabo, le leina la George J. Lacy le saennwego go sona; Sephedi se nnoši sa kagodimogatlhago se kilego sa tšewa senepe. Jeremane e ne sona bjale, ge ba se tšere ngwaga wa go feta.

⁸⁸ Ge E le, E tla dira dilo tša go swana tše E di dirilego morago kua, ka gore Ke Morara, gomme ge E kgomagane ka makaleng, o tla tliša pele maatla a go swana, le Bogona bja go swana, le mediro ya go swana. Swanetše, ka gore O a swana.

⁸⁹ Bjale, šetšang mediro ya Yona gomme le bone ge eba Ke Yena goba aowa. Le E ahlole ka kenywa ye E e enywago. Ge E le Moya wa go swana, gona E tla dira selo sa go swana. “Mediro ye Ke e dirago le tla e dira le lena.”

Gomme šo O dutše mo sedibeng, gomme mosadi yo o be a eme fale, gomme O rile, “Mosadi, Ntlišetše seno.”

Gomme o rile, “Re na le kgethologanyo mo. Ga se setlwaedi go lena Bajuda go kgopela Basamaria se sebjalo. Ke nna mosadi wa Mosamaria.”

O rile, “Eupša mosadi, ge nkabe o tsebile Yo o bego o bolela le yena, o be o tla Nkgopela seno.”

⁹⁰ Gomme o rile, “A O bolela gore sediba se a sobeletša, gomme ga O ne selo go ga ka sona, gomme O yo mogolwane go feta tatawešu Jakobo yo a epilego sediba, le dikgomo tša gagwe di a nwa?” le go ya pele.

O be A dira eng? A kgokagana le moya wa gagwe. Gomme ka pela ge A hweditše moo bothata bja gagwe bo bego bo le gona, O rile, “Sepela, tšeа monnamogatša wa gago, gomme le tle mo.”

O rile, “Mohlomphegi, ga ke ne monnamogatša e ka ba ofe.”

O rile, “Yeo ke nnete; o swanetše . . . o bile le ba bahlano; gomme yo o dulago le yena ga se wa gago.”

⁹¹ Bjale, o boletsé eng? “Wena o—wena o Beletsebubu”? “O na le go bala monagano”? “Wena o mmolelelamahlatse”? Aowa, o tsebile bontši ka ga Ebangedi go feta seripa sa bareri ka United States, go beng mmalegogwana. O tsebile bontši ka ga yona go feta baprista ba go rutega le borabi ba letšatši la gagwe. Šetšang se mosadi yo wa mmalegogwana a se dirilego. O Mo lebeletsé thwi ka sefahlegong, gomme o rile, “Mohlomphegi, ke a bona gore O Moprefeta. Re a tseba ge Mesia a etla, O tla dira dilo tše.” A leo ke leswao la Mesia? “Ge Mesia a etla, re a tseba, rena Basamaria, re a tseba le e tla ba leswao la—la Mesia. Ge A etla, O tla dira dilo tše. Eupša Wena o Mang?”

Jesu o rile, “Ke nna Yena yo a bolelagó le wena.”

Ge leo e be e le leswao la Mesia maabane, le swanetše go swana lehono, ge A dula a swana, a ipega Yenamong.

Go na le bobedi Mojuda le Mosamaria. O ipoletše Yenamong.

O dirile eng? O kitimetše ka toropongkgolo gomme a re, “Etlang, bonang Monna, o mpoditše dilo tše ke di dirilego: a Yo ga se yena Mesia?”

⁹² Rena Bakriste re be re tla nagana eng ka yona bošegong bjo ge A dirile seo? Go no makala. Go molaleng o tla tsoga ka Letšatši la Kahlolo le go ahlola dirutegi tše ntši, le bareri, le baprista lehono. O e lemogile.

Gomme o rile, “Etlang, bonang Monna, Yo a mpoditšego dilo tše ke di dirilego: a Yo ga se Mesia?”

Gomme go tlile banna ntle, gomme ge ba Mo kwele ba ile ba kgodišega gore yoo e be e le Mesia.

⁹³ Bjale, hlokomelang, O dirile seo, leswao lela go Mojuda, go netefatša go Mojuda, go hwetša Mokgethiwa; le go tswalelwa go tshenyego, moprista, le rabi, le mosedumele. Filipi, bohle ka moka ga bona ba Mo dumetše.

Gomme ka gona ge A itirile ka Boyena go tsebjja go Mosamarria, O dirile selo sa go swana.

⁹⁴ Eupša ga go nako e tee A kilego a e dira pele ga Montle, gomme a e ganetša go dirwa. Gobaneng? Mengwaga ye dikete tše pedi e tlile bjale go Bantle go hwetša tlhahlo le go ruta.

⁹⁵ Eupša mafelelong a lebaka la Bajuda, pele ba kopana le tlhakahlakano, ge A ipegile Yenamong ka tsela yeo go Bajuda go netefatša O be a le Mesia, gomme O dirile ka tsela yeo go e netefatša, O swanetše go dira selo sa go swana mo go tswaleleng ga Bantle goba ga A swane maabane, lehono, le go ya go ile. Le a kwešiša? Phagamišang diatla tša lena ge le dira. Le a kwešiša yeo ke therešo. O swanetše go e dira.

⁹⁶ O be a ka se kgone go dira go Bajuda, go ipega Yenamong ka tsela yeo go ba Mojuda, go bobedi... Go na le feela merafo ye meraro ya batho; yoo ke Mojuda, Mosamarria le Montle; Batho ba Hama, Seme, le batho ba Jafete, barwa ba bararo ba Noage. Seo ke sohle se lego gona. Kafao go Ha-... go batho ba Hama le go batho ba Jafete, goba, batho ba Seme, a ke re, O šetše a ipoletše Yenamong le go tlogela Bantle go lebaka le, gomme thwi go tswaleleng ga lona, ge Diseputiniki di le lefaufaung gomme mongwalo wa seatla o lebotong, gomme ditšhaba di a roromela, šo Yena o magareng ga rena, o na le sesnwantšho sa Gagwe se tšerwe.

⁹⁷ Lefase la saense le ema go hloka polelo go lona. “Ga a gona a ka tlago,” O rile, “ntle le ge Tate wa Ka a mo goga pele.” Jesu ga se a hwa go pholosa lefase ka moka, O nyakile, eupša O hwile go pholosa bao Modimo, ka tsebelopele, a tsebilego ba tla pholoswa. Ga se batho bohle ba tla tlago go Yena.

⁹⁸ Modimo o tšeа motho wa Gagwe eupša e sego Moya wa Gagwe. Diabolo o tšeа mosedumele wa gagwe eupša e sego moya, o dula godimo, ka go ba bangwe. Gomme meboya yela ye mebedi

yeo e a lwa gonabjale. Gomme O a swana maabane, lehono le go ya go ile.

⁹⁹ Setsopolwa se tee gape ge le ka se boloka feela nakwana. Kafao gore lena batho... E no ba bošego bjo bothee, gomme le ka se be le, lena bohole, sebaka go tla godimo ka mothalong wa thapelo. Bjale, theetšang sekgauswi ge ke tswalela.

¹⁰⁰ Ke le baletše, le go tsopola, lena, go tšwa go Lentšu la Modimo la Gosafelego. Gomme Jesu o rile... Ke ba bakae ba tsebago gore Jesu ga se a tleleima go ba mofodiši? O ra gore ga o dumele seo? Beibebe e rile, Jesu o rile, ka Boyena, "Ga se Nna yoo a dirago mediro; ke Tate wa Ka yoo a dulago ka go Nna, O dira mediro."

¹⁰¹ Mokgethwa Johane 5:19, O ile go kgabola lefelo le legolo bogolo moo go bego go le makga a lesome bontši bja bagolofadi le difofu, batho ba go tlaišega, ba ba dutšego ka moagong wo bošegong bjo, ka kgorong ye botse ya mogobe. Dihlotša, digole, difofu, ba go omelela, gomme šo O tla go kgabola lešaba lela, a lebelela go dikologa, go fihla A hwetša monna a robetše lepokising. Gomme O rile, "A o tla rata go thakgafatšwa?" Gobaneng A se a bolela, go dihlotša goba monna wa sefovfu?

¹⁰² Gomme o rile, "Ga ke na le yo motee a ka mpeago ka meetseng, Mohlomphegi, ge ke etla..." O be a kgona go sepela. O bile le bjona mengwaga ye masometharo seswai; bo be bo sa ye go mmolaya; e be e le go se itekanele. O rile, "Ge ke etla go leba meetseng, yo mongwe gape o gatela pele ga ka."

O rile, "Tšea malao a gago gomme o ye pele." Šole o ile. Ba...

Gomme borabi le baprista ba mo topile. Ka fao Jesu o ile a tlišwa go botšišwa. O rile, "Ruri, ruri, Ke re go lena..."

Ka mantšu a mangwe, "Gobaneng o sa fodiše bohole ka moka ga bona? Gobaneng o sa dire se? Gobaneng o dirile se ka Sabatha?"

¹⁰³ O rile, "Ruri, ruri..." (Yeo ke, "Ka phethagalo, ka phethagalo.") "...Ke re go lena, Morwa ga a kgone go dira selo ka go Yenamong, eupša se A bonago Tate a se dira."

¹⁰⁴ Tate o Mmontšitše monna yola o be a le fale, le ka seemong sela; selo sa go swana A se dirilego, mosadi mo sedibeng; nako ya go swana A dirilego ka Filipi; pele morago. Yoo e be e le Modimo a šoma ka Morwa wa Gagwe. Bjale, bošegong bjo, Modimo ke legohlepharephare ka go Kereke yohle ya Gagwe bjalo ka Morara, gomme rena re makala.

¹⁰⁵ Bjale, go bile le mosadi nako ye nngwe yo a bego a sa kgone go fihla go Yena. Gomme o boletše bokagare bja gagwe mong, "Ge nka kgona go kgwatha kobo ya Monna yola, ke tla fola."

¹⁰⁶ Gomme o pinyededitše go kgabola lešaba, go kgabola moprista wa gagwe, le go fihla a fihla mo A bego a le gona. Gomme yo mongwe le yo mongwe a Mo phaphatha ka morago,

“Rabi, re thakgetše go ba le Wena godimo fa.” O be a le tseleng ya Gagwe go tsoša morwedi wa Jairo. Gomme mosadi yo monnyane yo o nno kgwatha seaparo sa Gagwe. Bjale, ge o kile wa bona seaparo sa Mapalestina, se lekelela go tlemologa, gomme se na le seaparo sa ka fase. Le a bona? O be a ka se kgone go ikwela seo, mmeleng. O kgwathile kobo ya Gagwe, gomme o ile a rifoga gomme a dula fase, goba a ema godimo, kae kapa kae e bego e le, ntle ka batheeletšing. Jesu o eme gomme o rile, “Ke mang a Nkgwathilego? Ke mang a Nkgwathilego?”

Gomme Petro, a e lebeletše ka tsela ye motho a bego a tla lebelela lehono, o Mo kgadile le go re, “Gobaneng, a O re ke mang a Go kgwathilego? Yo mongwe le yo mongwe o a Go kgwatha.”

¹⁰⁷ O rile, “Eupša Ke bile go fokola. Bokwala bo tlogile go Nna.” Yo mongwe o kgwathile ka mohuta wa go fapanwa kgwatho, ka mokgwa wo mongwe. Yeo ke kgwatho ye re bolelago ka yona, e sego kgopolo ya bohlale, eupša se sengwe seo se tšwago *fa* seo ka kgontha se kgwathago.

¹⁰⁸ Oo, nnete, re, “Ke Mo kgwathile; ke beile leina la ka godimo ga puku ya kereke; ke tšoenne kereke; ke kolobeditše; ke . . .” Yeo ke kgwatho go lokile; yeo ga se kgwatho ye A ikwelago yona.

¹⁰⁹ “Ke mang a Nkgwathilego?” Ga go yo a boletsego selo. Gomme O lebeletše ntle ka go batheeletši go fihla A hweditše mosadi yo monnyane, gomme O mmoditše se se diregilego, mathata a gagwe ka taba ya madi, gomme o rile, “Tumelo ya gago e go pholosítše.”

¹¹⁰ Ngwanešu, kgaetšedi, ge nka se tsoge ka kopana le wena gape, go fihla e le Setulong sa Kahlolo sa Kriste, moo mediro ye e dirilwego ka mmeleng e tla dirwago go bonagala, a nke ke le botšišeng potšišo ye, le nkarabe gabotse: Ge A le Moprista yo Mogolo lehono yo a kgonago go kgwathwa ke dikwi tša mefokolo ya rena, a A ka se swanele go dira ka mokgwa wa go swana woo A dirilego nako yela, ge A swana? A O be a ka se ke? Ge o ka kgonia go dula ka batheeletšing bao le . . .

¹¹¹ Beibele e re . . . Ke badiredi ba bakae fa ba tsebago seo? Gore Testamente ye Mpsha, Puku ya Bahebere e boletsore gore Yena ke Moprista yo Mogolo bjale yo a kgonago go kgwathwa ke dikwi tša mefokolo ya rena? Lena badiredi emišetšang seatla sa lena godimo. Le a bona? Banna ba baruti; modiša wa lena o tseba seo. Ke Yena eng? Moprista yo Mogolo yo a kgonago go kgwathwa ke dikwi tša mefokolo ya rena.

¹¹² Gona ge A dula a swana maabane, lehono, le go ya go ile, O tla araba bjang? Go swana le ge A dirile maabane. O a Mo kgwatha bošegong bjo, o re, “Morena Modimo, nka se be ka go mothalo wola wa thapelo; Ga ke na le karata ya thapelo, ka fao nka se biletšwe godimo kua; eupša O, Modimo, a nke ke Go kgwatho.” Bonang se A se dirago. Bonang ge A sa šome . . . Ge o le karolo ya Morara ka bowena, gomme Moya wa Gagwe mo, O tla bolela thwi

morago go kgabola, a šomiša mpho go bonagatša le go netefatša gore O no ba wa go swana woo A kilego a ba, ga go kgathale moo o lego. E no tsea Modimo Lentšung la Gagwe bošegong bjo gomme o le dumele ka pelo ya gago ka moka gomme Modimo o tla le dira gore le bonagatšwe. Ge A ka dira se sebjalo ka bogoneng bja gago, ga ke re O tla dira, ge A ka dira se sebjalo, ke a tshepa gore o tla Mo dumela le go Mo amogela.

¹¹³ Gomme elelwang bjale, ge re tswalela. Bjo ke bofelo bja lebaka la Bantle. Ga se nke go histori gwa ba, go fihlela bjale, ye ke nako ya bofelo. Re bile le Mna. Billy Graham, Moya wo mogolo boka Johane Mokolobetši yoo a ilego pele a sa dire mehlolo.

¹¹⁴ Ke badiredi ba bakae fa ba tsebago gore histori, histori ya kereke, gomme seprofeto se ipušeletša ka bosona bonnyane gatee goba gabedi? Therešo. Le a dumela. Lebelelang Mateo 3: "Ke biditše Morwa wa Ka go tšwa Egepata." Šupa yeo morago gomme o bone ge eba e be e se Jakobo. Yoo e be e le morwa wa Gagwe, le yena. Le a bona? Histori e a ipušeletša yonamong.

¹¹⁵ Gomme go ile Moya wo mogolo, feela ka go Tleng ga Gagwe la pele. Go ile Moya wo mogolo pele ga tshenyo ya Bajuda, ka sebopego sa Johane Mokolobetši, yo a sega a dira mehlolo le gatee eupša o be a le moreri yo maatla. Go mo latela go tlie Moya wo o bego o se moreri wa maatla, eupša feela maswao le matete di thoma go direga mogohle. Feel a go tswaleleng ga lebaka. Ye ke go tswalela ga lebaka la Bantle. A re rape leng.

¹¹⁶ Morena Modimo, go bothata kudu, Morena, go leka go bolela ka moka tše di lego ka pelong ya gago ka go molaetša wo motee wo monnyane wa go rengwa, go tsebeng gore go ka ba batho fa bao ba tla . . . re ka se tsoge ra bona sefahlego sa rena seng gape go fihla re kopana ka Letšatši lela mošola maotong a Gago.

¹¹⁷ O Modimo, a re direng bošegong bjo bjalo ka Bakriste ba kgontha, bjalo ka barwa le barwedi ba kgontha ba Modimo. Re fe tumelo go dumela Lentšu la Gago le go ema. Ge re bala ka matšatšing a bogologolo, ge banna le basadi ba ba bego ba le bofšega, ba boela morago, gomme le bale ba swanago le Nikodemo, ba ba thelletšego tikologong. Eupša, oo, re kganyoga bjang yola yo a gatetšego thwi ntle gomme ba tsea maemo a bona.

¹¹⁸ Modimo, ke a rapela bošegong bjo, gore O tla dira seo go yo mongwe le yo mongwe ka fa, ba fe tšh—tšh tšhegofatšo ye bjalo ya go sepela ga Moya, gore motho yo mongwe le yo mongwe ka fa o tla tsea maemo a bona bjalo ka badumedi ba kgontha. E fe, Morena.

¹¹⁹ Fodiša balwetši le batlaišwa. Gomme re a rutwa ka Mangwalong gore ge, letšatši le lengwe, letšatši la pele ka morago ga ge O tsogile go tšwa bahung, ka mosong wola wa mathomo wa Paseka, go be go le banna ba babedi ka leina . . . leina la yo motee wa bona, gomme lona, re ka se kgone go bolela; gomme yo mongwe o be a le Kleopa; gomme ba be ba le tseleng ya

bona go theogela go toropokgolo ye nngwe ye nnyane e bitšwago Emause. Gomme ge ba ile pele ba bolela ka Lengwalo, le ka Wena, O gatetše ka ntle ga sethokgwa thwi gomme o sepetše le bona letšatši lohle botelele. Gomme ga se ba ke ba lemoga gore O be o le Mang.

¹²⁰ Gomme, Tate, ke na le nnete, bošegong bjo, gore batho ba ba ka kgona go kwešiša gore re no leka go bolela Lentšu la Modimo, dilo tše A di tshepišitšego. Gomme O boletše le bona letšatši lela ka Lentšu. Gomme ge ba fihla ntlong ya baeti ye nnyane, ka mantšiboa, ba Go laletša go tla ka gare. Gomme ge O tsena ka gare gomme wa tswalela mojako, O dirile se sengwe go no swana le ge O be o se dira pele O bapolwa. Gomme ka seo ba tsebile gore O tsogile gape go tšwa bahung. Ka pela, ba kitimela go baena ba bona gomme ba re, “Ka therešo Morena Jesu o tsogile go tšwa bahung. A dipelo tša rena ga tša swa ka gare ga rena, ge A be a bolela le rena tseleng?” Modimo, a nke bjoo e be bopaki bja batho ba, bošegong bjo, ba ba yago morago tlase ka toropongkgolo, mafelo a go fapana.

¹²¹ Etla, Jesu, gomme bolela le dipelo tša rena gomme o dire se sengwe mo bošego bjo; gore banna le basadi, bašemane le basetsana ba ke ba tsebe, gore ka morago ga go e bala go tšwa Beibeleng, ka tsela ye O dirilego morago kua ka letšatšing lela, le go tleleima gore O a swana lehonon, dira ka kerekeng ya Gago bošegong bjo, go swana, Tate; gore batho ba ke ba bolele, tseleng ya bona go ya gae bošegong bjo, “A dipelo tša rena ga se tša swa ka gare ga rena, ge A be a bolela le rena tseleng?” E fe, Morena, gomme tumišo e tla ba ya Gago, Leineng la Morwa wa Gago, Jesu. Amene.

¹²² Bjale, ye ke nakwana ge ke eya go kgopela, ge le ka... swanetše go tloga lebaka la metsotsye e latelago ye lesometlhano go ya go masomepedi, le swanetše go ya bjale. Ga ke nyake go sepelwa tikologong ge Moya wo Mokgethwa, ge A etla go dira, le a bona, O... Le swanetše go ba tlhomphokgolo ka go phethagala, le go šetša, le go theetša. Kafao ge o eya go tloga, ke tla e dira bjale, gore o se tsenatsene kopano. Ba ntšeа go tloga kopanong ge go na le tsenatseno.

¹²³ Gomme bjale, ge o le moswaswalatši, goba mosedumele, nka se dule ka go mohuta wo wa kopano ge se se eya pele, gobane mmadi yo mongwe le yo mongwe wa Beibele o a tseba, meboya yela ye mebe e ya go tloga go yo mongwe go ya go yo mongwe. Re dumelana le seo. Kafao ga se go bapala kereke.

¹²⁴ Fa mašego a se makae a go feta, le ka be le kwele Anania le Safira, ge nkabe e be e se bakeng sa dikgaogelo tša Modimo. Gomme ke makga a makae lena batho le kwelego, ge ditirelo tša tlhomphokgolo, ka fao dilo di diregago ka mokgwa woo lebakeng la nako ya kopano? Kafao ebang tlhomphokgolo ka kgontha, homolang, dulang, le rata, ebang thapelong.

¹²⁵ Bjale, ke a dumela . . . A le rile e be e le . . . ? A dikarata tša thapelo? Lekgolo, a le file? Eng? diY, lekgolo. Go lokile, re ka se kgone go ba tliša bohole godimo gatee, ke tla kgopela, gona, bakeng sa dikarata tša thapelo Y, tee, pedi, tharo, nne, tlhano. A nke ba tle pele. Bjang . . . ? A re ka ba tliša go kgabola ka tsela ye, mohlomphegi? Ke mang a nago karata ya thapelo Y, nomoro tee? A o ka phagamiša seatla sa gago? Ge o ka kgoni go emeleta; bjale, ge o sa kgone, yo mongwe o tla go rwala. Karata ya thapelo . . . E retolle; ke karata ye nnyane nthatana ya sekwere ka nomoro le tlhaka. A o na le yeo, mohumagadi? Y, nomoro tee? Y, boka y-o-u? Y, nomoro tee, phagamiša seatla sa gago, e ka ba kae o logo. Bogareng, mosadi yo moswa fao? Etlal godimo mo, kgaetšedi.

¹²⁶ Y, nomoro pedi, a o ka phagamišetša seatla sa gago godimo? Lebelela karata ya moagišani wa gago; a ka no ba sefoa, semuma, ebile a sa kgone go bolela goba go kwa. O na le nomoro pedi? Etlal thwi mo, mohumagadi. Nomoro tharo? Karata ya thapelo nomoro tharo, a o ka phagamiša seatla sa gago hle? A o ka tla godimo fa, mohumagadi? Nomoro nne? E no phagamišetša diatla tša gago godimo ka pela gore re kgone go bona moo re logo ka go . . . Nomoro nne? Karata ya thapelo . . . Godimodimo ka bophagamong? Go lokile, nomoro nne, etla thwi pele go theoga, karata ya thapelo nomoro nne. Nomoro tlhano?

Bjale, bašemane ba tla tlase, ba hlakahlakanya dikarata tše, gomme ba no le fa tšona, gomme yeo—yeo ke tsela ye re nago le tšona.

¹²⁷ Nomoro tlhano? E ka ba mang a nago karata ya thapelo tlhano? Šikinya seatla sa gago, goba šikinya seatla sa gago, gore re tle re tsebe. Go lokile. Tshela? Karata ya thapelo tshela, phagamiša seatla sa gago? Go lokile, mohumagadi, yeo ke nnete. Nomoro šupa, nomoro šupa? Seswai?

¹²⁸ Bjale šetšang bjale, gore ga go motho . . . yo mongwe a ka no ba segole (gomme ge ba dira, re swanetše go ba rwalela godimo, le a bona), ge e le yo mongwe sefoa le semuma.

Seswai, senyane, lesome? Senyane, lesome? Go lokile. Lesometee, lesomepedi? Lesometee, lesomepedi, lesometharo, lesomenne, lesometlhano? Ee, mohlomphegi? Go lokile, motsotsotso feela.

¹²⁹ Go lokile. Bjale, ge ba sa tla, a nke ke bolele le lena gape. Ka tsela ye nngwe ye, mohumagadi, ge o ka dira, thwi go dikologa mo, etla go dikologa ka tsela ye, dira mothalo wa gago. Go lokile, ge ba sa bolela- . . . ge ke sa bolela, gomme ba a lokologana, feela nakwana.

¹³⁰ Bjale, ke ya go kgopela gore yo mongwe le yo mongwe a be le tlhomphokgolo le go homola ka mo le kgonago. Bjale, ke a tseba gore makga a mantši Modimo o šegofatša batho, gomme ba a goelela; seo se lokile ka go phethagala. Ke nna Motšwaborwa, ke tlwaetše seo. Le a bona? Seo ga se tshwenye.

¹³¹ Eupša bjale le se tsee diswantšho e ka ba dife, go dira seetša se benye, goba e ka ba eng; nno bang tlhomphokgolo. Gobane Moya wo Mokgethwa ke Seetša. Ke ba bakae ba tsebago seo, ba tsebago ka Lengwalo Ke Seetša?

¹³² Bjale, ke ba bakae ka fa bao ba se nago karata ya thapelo, e ka ba kae ka moagong, ga go kgathale moo o lego, ga o na le karata ya thapelo, go le bjalo o nyaka Jesu a go fodiša? Phagamišetša seatla sa gago godimo. E re, “Ke nyaka Jesu a mphodiše,” phagamiša seatla sa gago hle, kafao ke no ba mohuta wa go hwetša kgopolo ya kakaretšo. Go lokile, seo se kaone kudu. Go lokile, bjale ebang tlhomphokgolo ka kgonthé.

¹³³ Bjale, selo . . . Ge o sa tle godimo fa mo sefaleng, o no lebelela godimo go Kriste gomme wa re, “Morena Jesu, ge monna yo a mpoditše therešo, ye ke dumelago gore o nayo, gona O bolela le nna.” Gomme ga ke . . . O se leke go ikgatelela wenamong bjale; nno iketla, o re, “Morena, ke ipolela dibe tša ka; tšohle tše ke di dirilego ka phošo, ntshwarele bakeng sa yona. Gomme mphodiše, morategi Modimo. E fe.” Le bona ka fao Modimo a lego kgaogelo.

¹³⁴ Gomme bjale, yeo ke . . . Bjale, yo mongwe le yo mongwe ka fa, bokgole bjo ke tsebago, ke mosetsebje wa go felela go nna; gore batho bao ba ka bego ba dutše kgauswi. Batho ba nnoši ba ke ba tsebago ka moagong wo ke Mna. Sweet, Ngk. Vayle, le mošemane wa ka, ka mehla- . . . Ke nagana gore ke yena a emego morago kua ka leswiswing; ga ke na le nnete. Bao ke bona ba nnoši ke ba tsebago.

Ke ba bakae mo ba ba sego ba tlwaelega go nna? Emišetšang diatla tša lena godimo. Ga ke go tsebe; ga ke tsebe selo ka . . . ka mothalong wa thapelo ka tsela ya go swana? Bjale, go lokile.

¹³⁵ Bjale, re ya go hwetša ge e ka ba Lentšu go ba therešo goba Lona ga se therešo; nna go bolela therešo, goba e sego therešo. Modimo o šoma feela ka therešo, re tseba seo. Motha a ka bolela e ka ba eng ba dumago, eupša ge Modimo a sa e thekge, gomme a re ke therešo, gona e fošagetše. Ke tteleima gore Lentšu la Gagwe le a swana, gomme O dula a swana, gomme a ka se tsoge a ba selo gape eupša Modimo wa go swana, gomme o swanetše go dira ka tsela ya go swana yeo ka mehla A dirilego.

¹³⁶ Gomme ge A ka dira seo mo sefaleng, ntle go kgabola batheeletši, le go ipega Yenamong Jesu yo a tsogilego, ge bohole le ka Mo rata le go Mo dumela, e reng, “Amene,” go Yena. [Phuthego e re, “Amene.”—Mor.] Modimo a le šegofatše.

¹³⁷ Bjale, ka morago ga go bolela, ke na le nnete le lemoga gore fao ke emego, a maemo ao ke lego ka go wona. Gomme Modimo, Yo e lego Moahlodi wa potego wa ka, o a tseba, mosadi yo, goba e ka ba mang wa lena batho ba ke sego ka ba bitša, ka mothalong wa thapelo goba se sengwe, ga ke go tsebe. Ka gona Sengwe se swanetše go dira bjale, goba Lengwalo le fošagetše, gobane ke badile dilo tše go tšwa Lengwalong, e lego tshepišo ya Modimo.

A le a dumela yeo ke therešo? E reng, “Amene.” [Phuthego e re, “Amene.”—Mor.]

¹³⁸ Ke tshepišo ya Modimo. O tshepišitše O tla e dira. Ga A swanela go e dira, eupša O swanetše go e dira ka tsela ya go bolela gore O tshepišitše O tla e dira, seo ke se A se dirago. Yena ga-... Yena—Yena o be a se a swanela go fodiša ge Yena a be a le mo lefaseng, eupša Yena o e dirile gore e phethagatšwe.

¹³⁹ Seo ke se A se dirago lehono: go fetša lebaka la Bantle; go boela go Mojuda; Kereke e ya Gae; tshenyo e tla lefaseng, go fedишамока ga gago šefao; go ile. Le a bona?

¹⁴⁰ Gomme le a bona, selo se nnoši se tla tšeago go direga bošegong bjo, ke go nwa go se kae ga vodka. E šetše e hlahlilwe. Le a bona? Ga go selo o ka kgonago go se dira ka yona. Nnete re na le selo sa go swana go thunya morago ka tsela yeo. E dira eng? E lahlela lefase go tšwa go obiti ya gagwe, go no swana le ge Beibele e bolela, gomme o a tloga.

¹⁴¹ Le elelwa se Jesu a se boletšego, “Bjalo ka ge go bile ka matšatšing a Loto, go tla ba bjalo ka go tleng ga Morwa wa motho?” E ka ba mang a kilego a bala yeo? e reng, “Amene.” E be e le eng? Pele Loto a senywa, goba, Sodoma e ile ya senywa, go bile le Morongwa a etla go Bakgethiwa, e bego e le Abraham, a yeo ke nnete?

¹⁴² Gomme ge A dirile, O ile a dula fase, ka magetla a Gagwe a šotologetše tente, gomme A re go Sarah, goba, A re go Abraham, “E ka ba go ya ka nako ya bophelo, Ke ya go go etela. Sarah o ya go ba le lesea le o le letetšego, lebaka la mengwaga ye masomepedi tlhanoo.”

¹⁴³ Gomme Sarah, morago ka tenteng, ka morago ga tente, ka morago ga Morongwa, a myemyela. Gomme Morongwa o rile, “Gobaneng Sarah a segile?” Ke ba bakae ka fa ba kilego ba bala yeo? “Gobaneng Sarah a segile?” O be a le eng? Mmolelelamahlatse, go bala monagano? Elelwang, Morongwa yola o bile le molaetša wa mafelelo wo Sodoma e o amogetšego pele a senywa.

“Bjalo ka ge go bile,” go boletše Jesu, “ka matšatšing a Sodoma.”

¹⁴⁴ Bjale, elelwang, ke Bogona bja Morongwa wa Modimo, Moya wo Mokgethwa, wo o lego mo lehono ka se sengwe le se sengwe sa saense le leswao le semaka seo A kilego a se tshepiša, go se phethagatša go lena batho. Lena Bakriste le swanetše go thaba.

¹⁴⁵ Bjale, ke retologela go mosadi. Bjale, mohumagadi, wena le nna re le moswananoši yo mongwe go yo mongwe, gomme ye ke kopano ya rena ya mathomo. Ke mengwaga bogolwane go go feta, gomme ye ke nako ya rena ya mathomo ya go tsoge ra kopana. Eupša se, go batheeletši, ge le bala Mokgethwa Johane 4, lebelelang se, tlwa selo sa go swana: Morena wa rena o kopane

le mosadi yo A sego a ke a tsoge a mmona pele ka bophelong bja Gagwe, gomme bjalo ka kua ka go ponagalo ye nnyane, bjalo ka ge ke boletše lebakana la go feta, ka mokgwa *wo*. Bjale, šo yena, gomme O hweditše moo bothata bja gagwe bo bego bo le gona, le go mmotša se bothata bja gagwe e bego e le bjona. Gomme o rile, “Yo ke Mesia.”

¹⁴⁶ Bjale, nna ke sa go tsebe, kgaetšedi wa ka, ga ke tsebe ge eba o Mokriste, ge eba o mosedumelemodimo, se bophelo bja gago bo lego, se bo bilego; ga—ga ke tsebe; ga ke ne tsela ya go tseba; ga ke tsebe selo ka wena. Eupša ge se sengwe, maatla a kagodimogatlhago a Modimo, ka Morongwa yo, mo, a tla tla gomme...

¹⁴⁷ Ge ke rile go wena, “Mohumagadi, o a babja; o ya go fola; eya pele”; o tla no ba le lentšu la ka; seo ke sohle o tla tsebago ka sona. Seo, seo se ka loka.

¹⁴⁸ Eupša ge A etla le go go botša se sengwe morago ka bophelong bja gago, o tla tseba ge eba yeo ke therešo goba aowa. O tla ba moahlodi wa seo. Kafao ge A tseba se se bilego, ka kgontha O tla tseba... Ge A ka kgona go go botša se e bego e le sona, o tla ba le boitshepo go tseba gore se A se bolelago se tla ba, se tla ba. Nepagalo? Gobane e tla ba Modimo; a o tla dumela e tla ba Yena? Jesu? O tla e dumela? A nke Morena a e fe, ke thapelo ya ka.

¹⁴⁹ Bjale, ge batheeletši ba letile ka tlhomphokgolo, gomme le se—se sehlopha sa batho ba tlhomphokgolo, iri še. Bjale, ge o... ge mosadi, ka potego ka pelong ya gagwe, o a tseba gore se sengwe se a direga. O be a sa kgone go ikwela ka tsela ye a ikwago bjale, a eme pele ga monna. Ke tla ba monna feela boka tatago, ngwaneno, monnamogatša. Eupša go na le se sengwe seo se no go thoma go direga, go kokobela ka kgontha, bose, maikutlo a etla go wena. Yeo ke nnete. Ge seo e le therešo, phgamišetša seatla sa gago godimo, nnete. Le a bona? Morongwa yo, le bona seswantšho sa Gagwe, gare ga gago le nna, e no ba seetša sa nnete.

¹⁵⁰ Mosadi ga se a ema fa bakeng sa yenamong, o eme fa bakeng sa yo mongwe gape; ga go selo sa phošo ka mosadi, ka ntle ga letšhogo. Ke mohuta wa letšhogo wa motho yo a hlobaelago ka dilo, o tshela maporogo pele o fihla go wona. Eupša o fa bakeng sa yo mongwe gape. Yeo ke therešo.

¹⁵¹ Ge Morena Modimo a ka nkutollela seo o lego fa bakeng sa sona, a o tla Mo dumela go ba Mesia, gomme o tla ya go botša ba bangwe Mesia o sa phela? O tla dira? A o a dumela leihlo le lennyane le tla tla thwi, la ngwana? Leihlo la go kgopama, le leane, o dumela gore O tla dira—gore O tla le dira le fole? O tla e dumela? O na le se sengwe gape pelong ya gago gape, a ga o, ntle le ngwana yola? Ke mmago, o a hwa; o na le kankere. Yeo ke therešo. Gomme o tshwenyega ka phološo ya gagwe gobane

ke Mokatoliki. Yeo ke therešo. Se tshwenyege, eba le tumelo. Mo romele sakatuku seo; se belaele, o ne se o se kgopetšego. Modimo a go šegofatše, sepela, gomme o dumele bjale gomme o amogele. Modimo a go šegofatše, kgaetšedi.

A le a dumela? Bjale, botšišang mosadi, a ka no . . . Le tla mo tseba. Thlhomphokgolo ka kgonthe bjale, hle.

¹⁵² A le a lemoga, banešu badiredi, gore Kriste yoo lena le nna re mo emetšego (nna bjalo ka moreri wa Baptist lebaka la mengwaga ye masomepedi šupa ka bodireding), bjoo ke Bogona bja Gagwe fa bjale go tiišetša feela tlwa? Ke ba bakae ba tsebago yeo e no ba tsela ye A dirilego ge A be a le mo lefaseng? A re le boneng le phagamiša diatla tša lena, lena batho e ka ba kae. Beibele, seo ke se Lentšu la Modimo le se boletšego.

¹⁵³ Gona, ge ye e le Pilara ya Mollo yeo e etilegopele bana ba Israele, ge e le Yena yo a bego a le mo lefaseng gomme a re, “Mediro ye Ke e dirago le tla e dira le lena, ge Ke sepetše; Ke tla ba le lena, ebole ka go lena”: Morara wola wa go swana o tla enywa kenywa ya go swana, a o ka se ke? Gabotse, Yona še, e dira selo sa go swana. O se wa se dumele. Yo mongwe le yo mongwe wa lena, gonabjale, le swanetše go dumela.

¹⁵⁴ Re basetsebane seng sa rena, ke a nagana, mohumagadi? Lekga la mathomo go tsoge ra kopana ka bophelong. Ge nkabe ke kgonia go go thuša gomme ka se e dire, ke be ke tla ba motho yo sehlogo. Eupša ke—ke na le mme wa go tšofala gae bošegong bjo, gomme ke—ke a mo rata; gomme ke tlogetše lapa, mme, le bohole, go tla mo go leka go thuša, go dira bophelo bo be bose kudu gannyane go batho, le go dira tšohle nka kgonago bjalo ka mohlanka wa Gagwe. Ge Morena Modimo a ka mpotša se o lego mo bakeng sa sona, a o tla ntumela? Gomme wa dumela gore e be e le Yena a e dirago? A batheeletši ba ka e dumela? Mohumagadi, o tlaišega ka seemo sa letšhogo, o na le bothata bja pelo, gomme o na le ditšhika tša go photha madi. Yeo ke therešo tlwa. O a dumela bjale?

¹⁵⁵ O re, “Mna. Branham, o thankile seo.” Ga se ka ke. Modimo o tseba seo. A re boleleng le yena kgojana gannyane. O tla e belaela? A nke Morena a e fe.

¹⁵⁶ Ee, go na le yo mongwe gape mo yo a hlokago le yena, yoo ke monnamogatše wa gago. O a hwa, o swanetše go hwa gonabjale ge Modimo a sa mo thuše. O na le leukimia; yeo ke kankere ka go moelamadi. Yeo ke nnete; yeo ke nnete. Leina la gago ke Mdi. Harford. Leina la gago ke Rose gomme la gagwe ke Robert. Yeo ke therešo. Eya pele ka tsela ya gago, dumela Modimo gomme o phele, mohumagadi. Dumela Modimo, Jesu Kriste, Yo a lego gona. O a tseba ke Yena mo? Gabotse, Mo amogele bjale bjalo ka Mofodiši wa gago bakeng sa bobedi, gomme eya pele tseleng ya gago gomme a nke Morena Modimo a go šegofatše wa go huma, kgaetšedi wa ka.

A le a dumela? Ebang le tumelo. Le se belaele. Bjale, nno dumelang, ka go batheeletši.

¹⁵⁷ Re basetsebane seng sa rena, ke a nagana, mohumagadi. Lekga la mathomo re kopane. Ke...Bjale, wena o...ge o babja nka—nka se kgone go dira selo ka yona gobane ke no ba motho. Eupša Modimo a ka kgonna go dira se sengwe ka yona. Bjale, ge Jesu a ka be a eme fa a apere sutu ye, o be o tla re, “Morena Jesu, mphodiše.”

¹⁵⁸ O be a tla re, “Ke šetše ke e dirile.” Le a bona, phodišo ke se sengwe go swana le phološo; e fetile. “O gobaditšwe ka baka la dikarogo tša rena; ka megogoma ya Gagwe re fodisitšwe.” E šetše e feditšwe ka go poelano. Re no e dumela.

¹⁵⁹ Ga go selo nka kgonago go se dira. Le a bona? E tla ba se A kgonnego... O šetše a se dirile. Ke tumelo ya gago go... Bjale, A ka go botša se sengwe go go dira o dumele gore O be a le Mesia gomme ka gona ka seo o be o tla dumela gore poelano e be e lokile. Gomme sese se A tshepišitšego O tla se dira; go šoma thwi go kgabola. O modumedi, modumedi wa Mokriste. O ka no ba o le mosedumelemodimo, moswaswalatši, eupša ga o yena.

¹⁶⁰ Selo sa go swana le mosadi yo a dutšego ka go... a dutšego thwi fase, bofelo bja setulo. Ale a maso, maatla a letimone. Mosadi yo o tlaišega go tšwa go seemo se boima ka kgonthe; ke nnete tlwa. O tšhogile gomme ka mehla o a tšhoga. O ne bothata bja pelo; gomme yeo ke nnete. Gomme o tšhogile, gomme o ne seemo sa go tšoša. Gona o tšhogile le wena; o bile le se sengwe se direga go wena, fa nako ye nngwe ya go feta, o bile le lehuto le tšerwe, goba, sehloga, go tloga hlogong, gomme se tla morago gape.

¹⁶¹ Mohumagadi yola yo monnyane a dutšego fale o tlaišega ka letšhogo la monagano. Yeo ke nnete. Yeo ke nnete mohumagadi yo moswa. A o a dumela gore Modimo o tla go dira o loke le wena? Ee, o a e dumela? O a dira? Emišetša seatla sa gago godimo ge o e dumela. Bobedi le fodile. Eyang pele tseleng ya lena le hlalala. Jesu Kriste o le dira le fole. Le se sa boifa ka yona gape; go fedile bjale, eyang gae. O no aketša, letimone le be le le, eupša o tlogile go wena bjale. E no sepela o dumela, o na le tumelo.

A le a Mo rata? Ke Yena Alefa yo mogolo le Omega.

¹⁶² Bjale, se sengwe gape se diregile feela nako yeo. Ebang tlhomphokgolo ka kgonthe, hle. Go na le mohumagadi o dutše kgauswi le bofelo fale ka diatla tša gagwe godimo ka mokgwa wo. O tlaišega ka bothata bja leihlo; o na le bothata ka mahlo a gagwe. Gomme o na le bothata bja pelo le yena. O be o rapela, a o be o se, mohumagadi? Mohumagadi a dutšego thwi fale kgauswi le monna yo a retologilego go dikologa le go lebelela mosadimogatša wa gagwe. Phagamišetša seatla sa gago godimo, mohumagadi. Yeo ke therešo. Ga ke go tsebe, a ke a dira, mohumagadi? Ke mosetsebje go wena. O a dumela bjale gore o

ya go ba gabotse? Go lokile, eya gae, lebala ka yona. Efa Modimo tumišo. Tumelo ya gago e go dira o fole.

Ke a le hlolahla go e dumela. Šetšang, ebang tlhomphokgolo bjale. Le se sepele go dikologa.

¹⁶³ Mohumagadi, a re basetsebane mongwe go yo mongwe? O a tshwenyega, go nyama. Oo, ke ka mohlankana yo. Seo ke se o mo swaretšego sona fa; o no mo tliša fa. Yeo ke therešo. Ge Morena Modimo wa rena a ka nkutollela seo o tshwenyegago bjalo ka mohlankana yo, a o tla e amogela le go dumela e tšwa go Morena Modimo wa rena? Mošemane o godimo bakeng sa karo, gomme ngaka o re go ne sehloga go dikologa pelo ya gagwe se se swanetšego go ntšhetšwa ntle. Yeo ke therešo, a ga se yona? Gomme o tshwenyega ka yona. Ge Modimo a le mo gomme a tseba ka ngwana, a ga A na le kgahlego ka go yena? A o tla mo amogela bjalo ka ngwana wa gago go phela, gomme o tla mo tsoša bakeng sa letago la Modimo? A re rape leng.

¹⁶⁴ Morategi Modimo, ke tteleima bophelo bja ngwana yo, ka Jesu Kriste, a nke a fole. A nke mme a šegofatšwe. Gomme a nke setšhaba se šegofatšege. Ka gore re kgopela se Leineng la go šegofala la Morena Jesu. Amene.

Se tshwenyege bjale, eba le tumelo morwa mošemane; o tla ba gabotse.

¹⁶⁵ Etlia mohumagadi. Ga ke go tsebe. Morena Modimo o a go tseba. Ge A ka nkutollela seo bothata bja gago e lego, a o tla Mo amogela bjalo ka Mofodiši wa gago? Eba tlhomphokgolo ka kgontha. O tlaišega ka bothata bja mogodu le bothata bja sebete; sebete ka kgontha se a e hlola, go gogolela ntle sabohloko ka mogodung le go se lahlela ka go motlhakgaselo. Yeo ke nnete. Gomme ke go bona o dira se sengwe o leka go tše- . . . Oo, ga o na le tatso ye e itšego; o lahlegetšwe ke sekwi sa gago sa tatso. Ga o na le tatso ye e itšego goba monkgo wo o itšego, ye tee ya tšona. Yeo ke therešo. A o a dumela o na le yona bjale? Eya pele, yeo ke nnete. Modimo a go šegofatše.

¹⁶⁶ Go na le ba bantsi ka moagong wo ba tlaišegago ka selo sa go swana o lego. Eupša Modimo o phela ka pelong. O a dumela A ka kgona go fodiša bothata bja pelo le go go dira o loke? O a e dumela? A re rape leng.

¹⁶⁷ Morena Modimo, boloka mosadi yo bakeng sa letago la Gago bjalo ka ge ke kgopela, Leineng la Jesu. Amene. O se boife. Sepela o e dumela bjale, ka pelo ya gago yohle, se belaele.

O bile le selo sa go swana, kafao nno tšwelapele o sepela, o dumela Modimo.

¹⁶⁸ A le a dumela, ntle ka batheeletšing? Hle, bjale, ebang le tlhomphokgolo ka mo le kgonago. Tlhomphokgolo, hle, yo mongwe le yo mongwe.

¹⁶⁹ A o a dumela gore Modimo o tla go fodiša atheraithisi yela, o dutšego fao, mohlomphegi, a go dira o loke? Mokgomana yo mogologolo a dutšego fale a aperego jase ye nnyane, o a dumela gore Modimo o tla go dira o fole? O a dira?

¹⁷⁰ E re, wena yoo—yoo a mo kgwathilego gona. O monna yo mokaone. O a dumela bothata bja leoto la gago bo tla loka? Leina la gago ke Mna. Young, bjale, gomme o ka kgonas go ya gae, wa fola. Yeo ke therešo, a ga se yona? Go lokile, seo e be e no ba se sengwe go ngwegela godimo gore ke kgone go go swara. Ke a bona e be e le wena o dumelago le go thoma.

A o dumela?

¹⁷¹ Mohumagadi, a dutšego tlase fa, mohumagadi wa bobedi, mohuta wa go bopega boima, a sotlegago ka kgatelelo ya godimo ya madi, o lebeletše thwi go nna, ka mothalong wa pele fao, o a dumela Morena Modimo o go dira o fole, kgaetšedi? A o a e dumela? A o ka kgonas go e amogela bjalo ka phodišo ya gago? Phagamišetša seatla sa gago godimo ge o e amogela. Yeo ke nnete. Phagamiša sakatuku sa gago godimodimo, o se ke wa lewa ke dihlong; ka tumelo ya go swana le yeo, o ka kgonas go kgwatha Modimo. Eba le tumelo.

¹⁷² Tlasetlase bofelong bja mothalo, o dutše fale magareng ga banna ba babedi, mohumagadi ka kgatelelo ya godimo ya madi, mothalo wa bobedi morago, mafelelong, a o a dumela gore Jesu Kriste o tla go fodiša go kgatelelo ya godimo ya madi a gago? E diregile go ba, ke bone mothalo o tlogela mohumagadi yo le go ya go wena; ke ka baka leo ke tsebilego gore o ka kgonas go fodišwa, ge o nyaka go e amogela.

¹⁷³ Ke hlohla tumelo ya gago. Soulo ya go ratega še e dutšego fa, thwi morago fa ka morago, e dutše fale, a rwele kefa ye nnyane ye ntsho, o na le bothata ka hlogo ya gagwe, o rapela ka yona. Yeo ke nnete, a ga se yona, kgaetšedi? Thwi fa, mohumagadi yo monnyane ka kefa ye ntsho godimo le digalase, o na le bothata hlogong ya gago; eupša ga o ikwele yona bjale, a o a dira? O fodišitšwe feela nako yeo.

¹⁷⁴ Mohumagadi yo a dutšego kgauswi le wena o lebega bjalo ka... O a dumela, mohumagadi? Ke no nyaka go kgokagana le moyo wa gago. Bea seatla sa gago godimo ga mohumagadi kgauswi le wena fao. Mohumagadi yo a sa tšwago go fodišwa, Bea seatla sa gago godimo ga mohumagadi yo a latelago. Ee. A o a dumela Morena Modimo o tla go fodiša, mohumagadi? O na le ditlhakahlakano, dilo tše ntši tša phošo ka wena, bjalo ka bolwetši bja swikiri, bakeng sa setee, bothata bja pelo, bakeng sa se sengwe. Yeo ke nnete. Ge seo e le nnete, phagamiša seatla sa gago. Go lokile, eya gae, e dumele go be e fedile, e tla tloga.

¹⁷⁵ Tshwaetšo yeo... mohumagadi yo monnyane a dutšego ka tlase ga gago fale, a o a dumela gore o tla fodišwa tshwaetšo yeo, mohumagadi? O a dira, mohumagadi yo monnyane fale? Mdi.

Hunter go tšwa Caribou, phagama. Ga ke go tsebe, a ke a dira, mohumagadi? Ga se ka ke ka go bona, a ke dirile? Ke a tseba segalontšu sa ka se bethamorago. Re basetsebane seng sa rena, ge re le, phagamišetša seatla sa gago godimo. Yeo ke nnete. A dilo tšeо ke nnete, tšeо di boletšwego? Go lokile, eya morago gae gomme o fole; Jesu Kriste o a go fodiša.

O nagana eng ka yona, mohumagadi? O a dumela gore o fodišitšwe bjale? Eya pele ka tsela ya gago o hlalala; yeo ke tsela go e dira. Amene.

¹⁷⁶ Bothata bja letšhogo, bo hlotše pelo ya gago go šitwa, le go ya pele, yeo ke nnete, ka kgonthe, e bego e le go se šilege. Go na le bontši bja yeo ka fa. Ke ba bakae ba tlaišegago...? A nke ke le bontšhe. Ke ba bakae ka mo ba tlaišegago ka bothata bja letšhogo? Emišang diatla tša lena motsotso feela. Le a bona, le ya go bitša seo bjang? Le a bona, e no ba mogohle. Lena bohle ka bothata bja letšhogo emevelang ka maoto a lena. Emelela ka maoto a gago ge o nyaka go amogela Kriste thwi bjale. Theetša; ema thwi godimo fa feela nakwana, hle.

¹⁷⁷ Etla mo mohumagadi, goba, monna. Etla mo, mohlomphegi, ga ke go tsebe, a ke a dira? Re basetsebane? Bjale, gore batho ba tsebe ga se go bala monagano wa gago, bea seatla sa gago godimo ga sa ka. Ge Modimo a ka nkutollela ka tsela ye se bothata bja gago e lego, a o tla e amogela? O tla dira? Bothata bja mogodu, phagamišetša seatla sa gago godimo ge yeo e le nnete.

¹⁷⁸ Motho yo mongwe le yo mongwe ka bothata bja mogodu ema ka maoto a gago. Gohlegohle moagong ema ka maoto a gago, ka bothata bja mogodu. Ema thwi fa, motsotso, mohlomphegi. O tla bona letago la Modimo. Ge o ka kgona go dumela!

¹⁷⁹ Bothata bja mokokotlo, ema thwi morago fa. Bohle ka bothata bja mokokotlo emevelang ka maoto a lena. Ga ke kgathale ke bottelele gakaakang o golofetšego, goba o robetše fase, ema ka maoto a gago. O ka bona letago la Modimo.

¹⁸⁰ A o dumela gore Bogona bja Gagwe bo fa? A o a dumela gore Morena Jesu Kriste o gona? Ge o le, phagamišetša diatla tša gago godimo, yo mongwe le yo mongwe ka moagong. Emelela ka maoto a gago, yo mongwe le yo mongwe wa lena gona; emelela, yo mongwe le yo mongwe. Ga ke kgathale ge o ka se kgone go ema metsotso e se mekae ya go feta, o ka kgona bjale. Phagamela godimo. Ke lena bao.

¹⁸¹ Leineng la Jesu Kriste, Morwa wa Modimo yo a phelago, ke tleleima gore Kriste o le hwetše kua Khalibari, yo a lebalelago dibe tša gago le go fodiša malwetši a gago. Bogona bja Gagwe, Yo a lego mo bjale go tleleima gore O tsogile go tšwa bahung, o boletše ka dinetefatšo tša go se ganetšege, gore O a dula lehono gomme a ka se kgone go hwa. O a swana maabane, lehono, le go ya go ile.

¹⁸² Bohle ba le dumelago seo, phagamišang diatla tša lena. Beibele e rile, E tshepišitše, gore O tla ba mo ka matšatšing a go dira dilo tše. O rile, "Maswao a a tla latela bona ba ba dumelago." Ke ba bakae e lego modumedi? "Ba tla bea diatla tša bona go balwetši, gomme ba tla welwa ke maruru." Bea diatla tša gago godimo ga yo mongwe kgauswi le wena, ge o le modumedi. "Maswao a a tla latela bona ba ba dumelago." Seo ke se Lengwalo le se bolelago.

¹⁸³ Ke lena bao, ka go kopano ya go phethagala ya Moya, kopano ya go phethagala, le diatla di beilwe godimo ga gago, kopano ye e phethagetšego le Moya wo Mokgethwa, kopano ye e phethagetšego le maatla a Modimo, kopano ye e phethagetšego ka Lengwalong, gona go swanetše go be go fedile. A re inamišeng dihlogo tša rena ge bohole re neela thapelo go Modimo.

¹⁸⁴ Morena Modimo, re leboga Wena ka Bogona bja Gago bjo bogolo, Moya wo Mokgethwa woo bjale o lego fa go tšeа taolo le go buša bolwetši bjo bongwe le bjo bongwe go tloga moagong wo.

¹⁸⁵ Oo, Sathane, o lahlegetšwe ke ntwa, o forile batho tlase go kgabola mabaka, eupša iri e tlide, ka gore o senotšwe. Tšwela ka ntle ga batho ba, bolwetši, ke a go laela ka Leina la Jesu Kriste, Yo a lego mo go go fenya gomme o go fentše, tlogela batheeletši ba, Leineng la Jesu Kriste, etšwa go batho.

¹⁸⁶ Bohle ba ba amogelago Modimo bjalo ka Mofodiši wa lena, Kriste bjalo ka Mofodiši wa lena, emišetšang diatla tša lena go Yena. Amene. Gabotse, re fe tshune, *Ke Tla Mo Tumiša*. Yo mongwe le yo mongwe bjale, nno itswalelela wenamong ka gare gomme a re Mo rapeleng. Go lokile.

Ke tla Mo tumiša,

Bohole mmogo bjale.

...Ke tla Mo tumiša,
Tumišang Kwana ye e bolaetšwego badiradibe;
Mo feng letago lena batho bohole,
Ka gore Madi a Gagwe a hlatswitše go tloša se
sengwe le se sengwe ...

A le kgora go lemoga Bogona bja Gagwe? A re phagamišeng diatla tša rena ge re opela.

Ke tla tumiša . . .

Elelwang, Mo rapeleng, re ka Bogoneng bja Gagwe.)

...Ke tla Mo tumiša,
Tumišang Kwana . . . (Yeo ke yona . . . ? . . .)
Mo feng letago lena batho bohole . . . 

58-0515 Jesu Kriste Wa Go Swana
Maabane, Lehono, Le Go Ya Go Ile
National Guard Armory
Fairfield, Maine U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org